


ЗБИРКА НА ПРОПИСИ • PËRMBLEDHJE E RREGULLAVE • COMPILATION OF LEGAL REGULATIONS



Република Македонија
НАРОДЕН ПРАВОБРАНИТЕЛ
Republika e Maqedonisë
AVOKATI I POPULLIT
OMBUDSMAN
Republic of Macedonia

ЗБИРКА НА ПРОПИСИ PËRMBLEDHJE E RREGULLAVE COMPILATION OF LEGAL REGULATIONS



НАРОДЕН ПРАВОБРАНИТЕЛ AVOKATI I POPULLIT OMBUDSMAN

PËRMBLEDHJE E RREGULLAVE

AVOKATI I POPULLIT



Institucioni Ombudsman, si formë dhe koncept, ekziston rreth dy shekuj, ndërsa fillimet e tij shënohen në Suedi, ku për të parën herë është themeluar në vitin 1809.

Ombudsmani, në çdo shoqëri në të cilën ai funksionon, paraqitet si mekanizëm i cili në mënyrë thelbësore kontribuon në drejtim të funksionimit të parimit të sundimit të së drejtës, si dhe është faktor që i pasqyron proceset demokratike të një shteti.

Në Republikën e Maqedonisë, ky Institucion për herë të parë është paraparë me Kushtetutën e vitit 1991, ndërkaq në vitin 1997 është miratuar edhe Ligji për Avokatin e Popullit, fill pas kësaj është zgjedh edhe Avokati i Popullit i parë, ndërsa Institucioni ka filluar të funksionojë në vitin 1998, pas plotësimit kushteve teknike dhe kuadroviqe.

Ombudsmani i RM-së nuk ka autorizime ligjvënëse, gjyqësore apo përmbarese, e as nuk është organ për ndjekje penale apo organ inspektues. Kompetencat e Ombudsmanit nuk parashikojnë marrjen e vendimeve, me të cilat në mënyrë relevante vendoset për të drejtat e qytetarëve, siç është rasti me gjykatat, organet e administratës shtetërore dhe organet e organizatat e tjera, të cilave sistemi juridiko-politik u ka siguruar një instrument të këtillë të detyrueshëm. Përkundrazi, Ombudsmani është paraparë si një mekanizëm kontrollues, i cili ndërhyr me propozime, udhëzime, sugjerime, vërejtje, rekomandime dhe ngjashëm.

Ndonëse, në thelb ai i mbron të drejtat kushtetuese dhe ligjore të qytetarëve, kur ato u cenohen nga organet shtetërore, veprimi i tij ka domethënie, rol dhe qëllim më të gjerë, sepse Ombudsmani veprimet e tij i drejton edhe kah avancimi, përsosja dhe përmirësimi i punës së administratës shtetërore, si shërbim i qytetarëve, me qëllim që në mënyrë sa më efikase dhe më shpejtë ta realizojnë të drejtën e tyre, pa zvarritje të procedurave administrative dhe duke iu shmangur procedurave të panevojshme gjyqësore.

Kjo, nga ana tjetër, vë në pah se gjatë veprimit të tij ka edhe një dimension tjetër më të përkryer, i cili mbase është edhe më i rëndësishmi gjatë realizimit të rolit të tij, e ky është dimensionin se ai është promovues dhe mbrojtës i të drejtave të njeriut, sidomos në vendet të cilat gjenden në periudhën e tranzicionit (siç është vendi ynë), ku përveç që duhet të kontribuojë në zbatimin e reformave që zhvillohen në të gjitha segmentet e shtetit, ai njëkohësisht me veprimin e tij, pa përdorimin e mjeteve të detyrueshme, vepron në drejtim të ndryshimit të ndërgjegjes dhe vetëdijes së nëpunësve shtetërorë, në drejtim të asaj se respektimi i të drejtave të qytetarëve dhe realizimi i tyre konsekuent dhe me kohë duhet të jetë qëllimi kryesor i punës së tyre.

Me nënshkrimin e Marrëveshjes Kornizë të Ohrit, dhe me ndryshimet në Kushtetutën e Republikës së Maqedonisë, u miratua edhe Ligji i ri për Avokatin e Popullit, me të cilin u parashikua decentralizimi i Institucionit dhe formimi i zyrave rajonale dhe nga ana tjetër, zgjerimi i kompetencave të tij në drejtim të marrjes së veprimeve që kanë të bëjnë me mbrojtjen e parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive në organet e pushtetit shtetëror. Kjo flet se ky mekanizëm, në vendin tonë, zhvillohet në përputhje me rrjedhat bashkëkohore dhe njëherësh me nevojat e qytetarëve si dhe kontribuon në ndërtimin e mirëbesimit shumë-etnik dhe paraqet domosdoshmëri për jetë të qetë dhe zhvillim të shtetit.

Duke jetuar në një kohë, e cila para së gjithash u karakterizua me konflikte globale, të cilat qenë sulm serioz mbi aspektin human të jetesës sonë, konsideroj se përpjekjet tona për

funksionim më efikas të sistemit i tejkalojnë kufijtë e shoqërive në të cilat veprojmë, prandaj dhe lëvizjet duhet të jenë në drejtim të asaj që do të thotë synim në mbarë Botën, e këto janë marrëdhëniet humane ndërnjerëzore dhe vendosja e rendit global, të cilat do të karakterizohen me ndërgjegje dhe parime të larta për sa i përket respektimit të të drejtave të njeriut.

AVOKAT I POPULLIT

Ixhet Memeti



DISPOZITA NGA KUSHTETUTA E RM-së

(“Gazeta Zyrtare e RM”-së nr. 52/91)

Neni 77

Kuvendi e zgjedh Avokatin e Popullit.

Avokati i Popullit i mbron të drejtat kushtetuese dhe ligjore të qytetarëve kur ato u cenohen nga organet e administratës shtetërore dhe nga organet e organizatat e tjera që kanë autorizime publike.

Avokati i Popullit zgjidhet me kohëzgjatje prej tetë vjetësh, me të drejtë edhe për një zgjedhje.

Kushtet për zgjedhjen dhe shkarkimin, kompetencën dhe për mënyrën e punës së Avokatit të Popullit rregullohen me ligj.

AMENDAMENTI XI

(“Gazeta Zyrtare e RM”-së nr. 91/01)

1. Kuvendi e zgjedh Avokatin e Popullit me shumicë votash nga numri i përgjithshëm i deputetëve, gjatë votimit duhet patjetër të ketë shumicë votash nga numri i përgjithshëm i deputetëve, të cilët u përkasin bashkësive që nuk janë shumicë në Republikën e Maqedonisë.

2. Avokati i Popullit i mbron të drejtat kushtetuese dhe ligjore të qytetarëve të cilëve ato u cenohen nga organet e administratës shtetërore dhe nga organet e organizatat e tjera që kanë autorizime publike. Avokati i Popullit vëmendje të veçantë i kushton mbrojtjes së parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive në organet e pushtetit shtetëror, organet e njësisive të administratës lokale dhe në institucionet dhe shërbimet e tjera publike.

3. Me pikën 1 të këtij amendamenti zëvendësohet paragrafi 1 i nenit 77, ndërsa me pikën 2 plotësohet paragrafi 2 i nenit 77 të Kushtetutës së Republikës të Maqedonisë.

AMENDAMENTI XII - Ekstrakt

1. Kuvendi themelon Komitetin për Marrëdhënie Ndërmjet Bashkësive.

Komiteti përbëhet nga 19 anëtarë, prej të cilëve nga shtatë anëtarë nga radhët e deputetëve maqedonas dhe shqiptarë të Kuvendit, ndërsa nga një anëtarë nga radhët e deputetëve: turq, vllah, romë, serbë dhe boshnjakë. Në qoftë se ndonjëra nga bashkësitë nuk ka deputet, Avokati i Popullit, pas konsultimeve me përfaqësues relevantë të atyre bashkësive, do t'i propozojë anëtarët e tjerë të Komitetit.

LIGJI PËR AVOKATIN E POPULLIT

("Gazeta Zyrtare e RM"-së nr. 60/2003)

DISPOZITA TË PËRGJITHSHME

Neni 1

Me këtë ligj rregullohen kushtet për emërimin dhe shkarkimin, kompetencat dhe mënyrën e punës së Avokatit të Popullit.

Neni 2

Avokati i Popullit është organ i Republikës së Maqedonisë i cili i mbron të drejtat kushtetuese dhe ligjore të qytetarëve dhe të të gjithë personave tjerë kur ato u shkelen me akte, veprime dhe mosveprime nga organet e administratës shtetërore dhe nga organet dhe organizatat e tjera që kanë autorizime publike dhe i cili ndërmerr masa dhe veprime për mbrojtjen e parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive në organet e pushtetit shtetëror, organet e njësive të vetadministrimit lokal dhe institucionet e shërbimet publike.

Neni 3

Avokati i Popullit është i pavarur dhe i mëvetësishëm në kryerjen e funksionit.

Avokati i Popullit punët nga kompetencat e tij i kryen në bazë dhe në kuadër të Kushtetutës, ligjit dhe marrëveshjeve ndërkombëtare të ratifikuara në pajtim me Kushtetutën.

Në procedurë Avokati i Popullit mund të thirret edhe në parimin e drejtësisë.

Neni 4

Selia e Avokatit të Popullit është në Shkup.

Avokati i Popullit ka vulë e cila përmban emrin dhe selinë, stemën dhe emrin Republika e Maqedonisë.

Në ndërtesën në të cilën është i vendosur Avokati i Popullit vendoset emërtimi dhe selia, stema dhe flamuri i Republikës së Maqedonisë.

KUSHTET E ZGJEDHJES DHE SHKARKIMIT

Neni 5

Kuvendi i Republikës së Maqedonisë, me propozim të komisionit kompetent të Kuvendit, e zgjedh dhe shkarkon Avokatin e Popullit me shumicë votash nga numri i përgjithshëm i deputetëve, gjatë së cilës duhet patjetër të ketë shumicë votash nga numri i përgjithshëm i deputetëve që u takojnë bashkësive që nuk janë shumicë në Republikën e Maqedonisë. Avokati i Popullit zgjidhet për kohëzgjatje prej tetë vjetësh me të drejtë edhe të një zgjedhje.

Avokati i Popullit ka më shumë zëvendës. Numrin e zëvendësve të Avokatit të Popullit e cakton Kuvendi i Republikës së Maqedonisë me propozim të Avokatit të Popullit.

Zëvendësit e Avokatit të Popullit, me propozim të Avokatit të Popullit i zgjedh dhe shkarkon Kuvendi i Republikës së Maqedonisë me shumicë votash nga numri i përgjithshëm i deputetëve, me ç'rast patjetër duhet të ketë shumicë votash nga numri i përgjithshëm i deputetëve që u takojnë bashkësive që nuk janë shumicë në Republikën e Maqedonisë. Zëvendësit e Avokatit të Popullit zgjidhen me kohëzgjatje prej tetë vjetësh, me të drejtë edhe të një zgjedhje.

Procedura e zgjedhjes së Avokatit të Popullit dhe zëvendësve të tij fillon tre muaj para skadimit të mandatit të tyre.

Në rast të mungesës ose pengesës, Avokatin e Popullit e zëvendëson zëvendësi sipas radhës së caktuar nga Avokati i Popullit.

Neni 6

Për Avokat të Popullit mund të zgjidhet personi i cili i plotëson kushtet e përgjithshme të përcaktuara me ligjin për themelimin e marrëdhënies së punës në organin e administratës shtetërore, jurist i diplomuar që ka përvojë pune mbi nëntë vjet në çështje juridike dhe aktiviteti i të cilit është shquar në sferën e mbrojtjes së të drejtave të qytetarit dhe gëzon autoritet për kryerjen e funksionit Avokat i Popullit.

Për zëvendës të Avokatit të Popullit mund të zgjidhet personi i cili i plotëson kushtet e përgjithshme të përcaktuara me ligjin për themelimin e marrëdhënies së punës në organin e administratës shtetërore, jurist i diplomuar i cili ka përvojë pune mbi shtatë vjet në çështje juridike dhe aktiviteti i të cilit është shquar në sferën e mbrojtjes së të drejtave të qytetarit dhe gëzon autoritet për kryerjen e funksionit zëvendës i Avokatit të Popullit.

Gjatë zgjedhjes së zëvendësve të Avokatit të Popullit, pa i shkelur kushtet e përcaktuara me ligj, sigurohet përfaqësim adekuat dhe i drejtë i qytetarëve që u përkasin të gjitha bashkësive në Republikën e Maqedonisë.

Neni 7

Avokati i Popullit para marrjes së funksionit jep deklaratë solemne para Kryetarit të Kuvendit të Republikës së Maqedonisë, si vijon:

“Deklaroj se funksionin Avokat i Popullit do ta ushtroj me ndërgjegje dhe përgjegjësi dhe do t'i respektoj Kushtetutën dhe ligjet e Republikës së Maqedonisë“.

Neni 8

Funksioni Avokat i Popullit është jokoherent me kryerjen e ndonjë funksioni dhe profesioni tjetër publik ose me anëtarësimin në parti politike.

Neni 9

Avokati i Popullit shkarkohet:

- 1) nëse kërkon vetë;
- 2) nëse dënohet për vepër penale me dënim me burg pa kusht prej së paku gjashtë muaj;
- 3) nëse përgjithmonë e humb aftësinë psiko-fizike për kryerjen e funksionit Avokat i Popullit që vërtetohet në bazë të mendimit dhe konstatimit të institucionit kompetent shëndetësor;
- 4) nëse i plotëson kushtet për pensionim sipas moshës, dhe
- 5) për shkak të kryerjes së funksionit Avokat i Popullit në mënyrë joprofesionale, të njëanshme dhe të pandërgjegjshme.

Neni 10

Dispozitat nga nenet 7, 8 dhe 9 të këtij Ligji kanë të bëjnë edhe për zëvendësit e Avokatit të Popullit.

III. KOMPETENCA DHE MËNYRA E PUNËS

Neni 11

Avokati i Popullit në kryerjen e detyrave nga kompetenca e tij ndërmerr masa dhe veprime për të cilat është i autorizuar me këtë Ligj për mbrojtjen e të drejtave kushtetuese dhe ligjore të qytetarëve ose mbrojtjen e parimeve të mosdiskriminimit dhe përfaqësimit të drejtë dhe adekuat të qytetarëve që u përkasin të gjitha bashkësive kur ato u shkelen nga organet e nenit 2 të këtij Ligji.

Neni 12

Avokati i Popullit ndërmerr masa dhe veprime për mbrojtjen nga zvarritja e paarsyeshme e proceseve gjyqësore ose nga kryerja e papërgjegjshme dhe pandërgjegjshme e punëve të shërbimeve gjyqësore, duke mos i cenuar principet e mëvetësisë dhe pavarësisë së pushtetit gjyqësor.

Avokati i Popullit nuk vepron për lëndë për të cilat është në rrjedhë procesi gjyqësor, përveç në rastet e përcaktuara në paragrafin 1 të këtij neni.

Neni 13

Procedura për mbrojtjen e të drejtave kushtetuese dhe ligjore të qytetarëve pranë Avokatit të Popullit hapet me parashtrimin e parashtresës.

Secili person mund të i parashtrojë parashtresë Avokatit të Popullit kur të vlerësojë se i janë shkelur të drejtat dhe liritë kushtetuese dhe ligjore ose kur janë shkelur parimet e mosdiskriminimit dhe përfaqësimit të drejtë dhe adekuat të pjesëtarëve të bashkësive në organet sipas nenit 2 të këtij Ligji.

Avokati i Popullit mund të ngre procedurë edhe me iniciativë të vet, nëse vlerëson se qytetarëve u janë shkelur të drejtat kushtetuese dhe ligjore të përcaktuara në nenin 2 të këtij Ligji.

Neni 14

Në procedurë para Avokatit të Popullit gjuhë zyrtare është gjuha maqedonase dhe alfabeti i saj cirilik.

Në procedurën që mbahet para Avokatit të Popullit gjuhë tjetër të cilën e flasin së paku 20% e qytetarëve dhe alfabeti i saj, gjithashtu është gjuhë zyrtare.

Dispozitat e Ligjit për procedurë të përgjithshme administrative që kanë të bëjnë me përdorimin e gjuhëve në mënyrë adekuate aplikohen edhe në procedurën para Avokatit të Popullit.

Neni 15

Secili person në komunikim me Avokatin e Popullit mund të përdorë njërën nga gjuhët zyrtare dhe alfabetin e saj, ndërsa Avokati i Popullit përgjigjet në gjuhën maqedonase

dhe alfabetin e saj cirilik, si dhe në gjuhën zyrtare dhe alfabetin që e përdor parashtruesi i parashtrësës.

Neni 16

Parashtresa drejtuar Avokatit të Popullit duhet të jetë e nënshkruar dhe duhet t'i përmbajë të dhënat personale të parashtruesit, si dhe t'i përmbajë rrethanat, faktet dhe dëshmitë në të cilat bazohet parashtresa.

Në parashtrësë duhet të ceket organi, organizata, institucioni ose personi me të cilin ka të bëjë parashtresa, si dhe të theksohet se a ka depozituar masa juridike dhe cilat masa juridike i ka paraqitur parashtruesi.

Parashtresa për ngritjen e procedurës paraqitet me shkrim ose gojarisht në procesverbal.

Parashtresa me të cilën inicohet procedura nuk ka formë të caktuar.

Parashtruesi i parashtrësës është i liruar nga pagesa e taksës për procedurën para Avokatit të Popullit.

Neni 17

Avokati i Popullit është i detyruar ndaj parashtrësës të veprojë me ndërgjegje, paanshmëri, efikasitet dhe me përgjegjësi.

Gjatë procedurës sipas parashtrësës Avokati i Popullit nga palët e interesuara është i detyruar t'i grumbullojë të gjitha faktet dhe dëshmitë që janë me rëndësi esenciale për të marrë vendim sipas parashtrësës .

Neni 18

Avokati i Popullit gjatë procedurës sipas parashtrësës është i detyruar ta respektojë privatësinë dhe konfidencialitetin e të dhënave që kanë të bëjnë me parashtruesin, sipas nenit 16 të këtij Ligji.

Neni 19

Avokati i Popullit, duke vepruar sipas parashtrësës, mundet:

- të mos hap procedurë,
- të hap procedurë, dhe
- ta ndalojë ose ta ndërpresë procedurën.

Neni 20

Avokati i Popullit nuk do të hap procedurë sipas parashtrësës:

- nëse parashtresa është anonime, përveç nëse bëhet fjalë për çështje me interes të përgjithshëm;
- nëse me parashtrësën ofendohet organi ose keqpërdoret e drejta e parashtrimit të parashtrësës;
- nëse parashtresa nuk është e kompletuar dhe nëse parashtruesi, pas paralajmërimit paraprak nga Avokati i Popullit, nuk e plotëson parashtrësën;

- nëse nga parashtrësja konstatohet se bëhet fjalë për rast më pak të rëndësishëm i cili edhe pas analizave të kryera nuk do të mund të japë rezultate përkatëse;
- nëse nga vetë parashtrësja, rrethanat, dëshmitë dhe faktet e paraqitura rezultojnë se nuk bëhet fjalë për shkeljen e lirisë dhe të drejtave kushtetuese dhe ligjore të parashtrësit ose personit në emër të të cilit paraqitet parashtrësja nga organet sipas nenit 2 të këtij ligji;
- nëse nuk është kompetent për të vepruar;
- nëse nga veprimi ose vendimi i fundit i organit, organizatës ose institucionit ka kaluar më shumë se një vit, përveç nëse vlerëson se parashtrësi për shkaqe të arsyeshme e ka lëshuar afatin; dhe
- nëse për lëndën e parashtrësës është në rrjedhë e sipër procedurë gjyqësore, përveç punëve nga neni 12 paragrafi 1 të këtij Ligji .

Kur Avokati i Popullit nuk hap procedurë sipas parashtrësës në përputhje me paragrafin 1 të këtij neni është i obliguar, në afat prej 15 ditësh nga dita e pranimit të parashtrësës, ta informojë parashtrësin e parashtrësës dhe t'ia sqarojë shkaqet për të cilat e hedh poshtë parashtrësën dhe sipas mundësive t'ia sqarojë mënyrën se si mund ta realizojë të drejtën.

Neni 21

Avokati i Popullit do të hap procedurë për parashtrësën e parashtruar ose me iniciativë personale nëse nga konstatimet, dëshmitë dhe faktet e paraqitura në parashtrësë ose nga informatat e fituara në mënyrë tjetër ka bazë të rezultojë se nga ana e organeve, nga neni 2 të këtij Ligji, janë shkelur të drejtat kushtetuese dhe ligjore të qytetarëve ose është shkelur parimi i mosdiskriminimit dhe përfaqësimit të drejtë dhe adekuat i përfaqësuesve të bashkësive.

Nëse Avokati i Popullit hap procedurë me iniciativë të vet ose nëse person tjetër në emër të të dëmtuarit i drejtohet me parashtrësë, për ngritjen e procedurës nevojitet dhënia e pëlqimit nga i dëmtuari, të cilit i janë shkelur të drejtat ligjore dhe kushtetuese ose është shkelur parimi i mosdiskriminimit dhe përfaqësimit të drejtë dhe adekuat të pjesëtarëve të bashkësive.

Kur Avokati i Popullit hap procedurë me iniciativë të vet, lidhur me shkeljen e të drejtave dhe lirisë të një numri më të madh të qytetarëve, të të miturve, të të pamundurve dhe personave me aftësi të humbur afariste, nuk është i nevojshëm pëlqimi nga paragrafi 2 i këtij neni. Për ngritjen e procedurës Avokati i Popullit, në afat prej 15 ditësh nga dita e ngritjes së procedurës, i informon personat me të cilët ka të bëjë ajo.

Neni 22

Kur Avokati i Popullit vendos të ngre procedurë, në afat prej 15 ditësh nga dita e pranimit të parashtrësës, e informon parashtrësin e parashtrësës.

Neni 23

Avokati i Popullit do ta ndalojë ose ndërpres procedurën sipas parashtrësës:

- nëse pas përfundimit të procedurës sipas parashtresës konstatohet se e njëjta nuk ka të bëjë me shkeljen e të drejtave dhe lirive kushtetuese dhe ligjore të parashtruesit nga organet sipas nenit 2 të këtij Ligji;
- nëse gjatë procedurës sipas parashtresës parashtruesi hap procedurë gjyqësore;
- nëse parashtruesi i parashtresës nuk tregon interesim për vazhdimin e mëtejshëm të procedurës;
- nëse parashtruesi gjatë procedurës e tërheq parashtresën;
- nëse gjatë procedurës parashtruesi i parashtresës vdes, përveç nëse trashëgimtarët e tij kërkojnë vazhdimin e procedurës së filluar; dhe
- nëse në ndërkohë është realizuar e drejta e parashtruesit.

Kur Avokati i Popullit do ta ndërpres ose ndalojë procedurën e parashtresës është i obliguar që menjëherë, e më së voni në afat prej 15 ditëve nga dita e paraqitjes së rrethanave për ndalimin ose ndërprerjen e procedurës, ta informojë parashtruesin e parashtresës dhe t'ia sqarojë arsyet e ndërprerjes ose ndalimit të procedurës dhe sipas mundësive t'ia sqarojë mënyrën se si mund ta realizojë të drejtën.

Neni 24

Për shqyrtimin e parashtresës, Avokati i Popullit në kuadër të kompetencave të tij, në organet nga neni 2 të këtij Ligji, mund t'i ndërmarrë masat dhe aktivitetet si vijon:

- të kërkojë sqarime të nevojshme, informata dhe dëshmi për shkaqet e parashtresës;
- të hyjë në lokalet zyrtare dhe të kryejë inspektim të drejtpërdrejt në lëndët dhe punët nga kompetenca e tyre;
- të thërrasë në bisedë person të zgjedhur ose të emëruar, person zyrtar dhe çdo person tjetër që mund të japë të dhëna të caktuara gjatë procedurës;
- të kërkojë mendim nga institucionet kompetente dhe shkencore; dhe
- të ndërmerri masa dhe aktivitete tjera të përcaktuara me ligj ose dispozita tjera.

Sqarimet e kërkuara, informatat dhe dëshmitë nga paragrafi 1, alineja 1 të këtij neni, organet nga neni 2 të këtij Ligji janë të obliguar t'ia dërgojnë menjëherë Avokatit të Popullit, ose së paku në afat prej 8 ditësh nga dita e pranimit të kërkesës për dërgimin e të dhënave. Nëse për arsye objektive janë të penguar ta bëjnë këtë, e kanë për detyrë që pa prolongim ta informojnë me shkrim Avokatin e Popullit për shkaqet për të cilat nuk kanë mundësi të veprojnë.

Nëse Avokati i Popullit vlerëson se shkaqet nga paragrafi 2 të këtij neni janë të arsyeshme do të caktojë afat të ri për dorëzimin e sqarimeve, informatave dhe dëshmimeve të kërkuara.

Refuzimi dhe mosrespektimi i kërkesave të Avokatit të Popullit për marrjen e veprimeve nga paragrafi 2 të këtij neni konsiderohet si pengim i punës së Avokatit të Popullit.

Neni 25

Avokati i Popullit, për pengimin e punës nga neni 24, paragrafi 4, me informatë të veçantë, mund ta informojë drejtpërdrejt organin më të lartë, funksionarin që udhëheq me organin nga neni 2 i këtij Ligji, ose Qeverinë e Republikës së Maqedonisë, dhe nëse ata nuk i ndërmarrin masat e nevojshme edhe Kuvendin e Republikës së Maqedonisë.

Avokati i Popullit, kur konstatohet shkelje e të drejtave dhe lirive kushtetuese dhe ligjore mundet me shpenzime të organit nga neni 2 të këtij Ligji me të cilin ka të bëjë lënda, ta publikojë rastin në mjetet e informimit publik.

Neni 26

Personat nga neni 24, paragrafi 1, alineja 3 të këtij Ligji janë të obliguar t'i përgjigjen ftesës së Avokatit të Popullit dhe t'i japin sqarimet e duhura lidhur në lidhje me parashtrësën e paraqitur.

Me kërkesë të Avokatit të Popullit, Kryetari i Republikës së Maqedonisë, Kryetari i Kuvendit të Republikës së Maqedonisë, Kryetari i Qeverisë së Republikës së Maqedonisë dhe funksionarët tjerë, që udhëheqin me organet nga neni 2 të këtij Ligji, janë të obliguar ta pranojnë pa shtyrje.

Neni 27

Organet nga neni 2 të këtij Ligji janë të obliguar të bashkëpunojnë me Avokatin e Popullit dhe me kërkesë të tij t'ia sigurojnë të gjitha dëshmitë, të dhënat dhe informatat, pa dallim nga shkalla e besueshmërisë dhe t'ia mundësojnë zbatimin e procedurës.

Avokati i Popullit është i obliguar ta ruajë sekretin shtetëror dhe zyrtar në mënyrë dhe kushte të përcaktuara me ligj dhe me rregulla tjera.

Neni 28

Avokati i Popullit mund tua jep mendimin e tij, organeve nga neni 2 të këtij Ligji, që ka të bëjë me mbrojtjen e të drejtave kushtetuese dhe ligjore dhe mbrojtjen e parimit të mosdiskriminimit dhe përfaqësimit të drejtë dhe adekuat të pjesëtarëve të bashkësive për lëndën që është në procedurë, pa marrë parasysh llojin dhe shkallën e procedurës që është në rrjedhë, para organeve nga neni 2 të këtij Ligji.

Lidhur me çështjen për sigurimin, respektimin dhe mbrojtjen e të drejtave kushtetuese dhe ligjore dhe parimeve të mosdiskriminimit dhe përfaqësimit të drejtë e adekuat të pjesëtarëve të bashkësive, Avokati i Popullit në kuadër të kompetencës së tij, me iniciativë të vet mund të drejtojë rekomandime, mendime dhe kritika pranë organeve nga neni 2 të këtij ligji.

Neni 29

Avokati i Popullit, në kuadër të kompetencës së tij i mbikëqyrë gjendjet që kanë të bëjnë me garantimin, respektimin dhe mbrojtjen e të drejtave kushtetuese dhe ligjore të qytetarëve dhe respektimin e parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive, dhe me kryerjen e vizitave dhe inspektimeve në organet nga neni 2 të këtij Ligji.

Neni 30

Avokati i Popullit mund të ngre iniciativë pranë propozuesve të autorizuar për ndryshimin dhe plotësimin e ligjeve dhe akteve tjera nënligjore dhe harmonizimin e tyre me

marrëveshjet ndërkombëtare, të ratifikuara në pajtim me Kushtetutën e Republikës së Maqedonisë.

Avokati i Popullit mund të paraqesë propozim në Gjykatën Kushtetuese të Republikës së Maqedonisë për vlerësimin e kushtetutshmërisë së ligjeve dhe kushtetutshmërisë dhe ligjshmërisë së rregullave ose akteve të përgjithshme.

Neni 31

Avokati i Popullit i ndjek gjendjet që kanë të bëjnë me respektimin dhe mbrojtjen e të drejtave kushtetuese dhe ligjore të personave, në organe, organizata dhe institucione, në të cilat liria e lëvizjes është e kufizuar.

Avokati i Popullit sidomos i monitoron gjendjet që kanë të bëjnë me respektimin dhe mbrojtjen e të drejtave të të arrestuarve, të paraburgosurve dhe të personave që vuajnë dënimin me burgim ose masën edukuese-korrektuese në entet ndëshkuese-korrektuese dhe edukuese-korrektuese.

Vizitat dhe inspektimet nga paragrafët 1 dhe 2 të këtij neni, Avokati i Popullit mund t'i bëjë në çdo kohë, pa paralajmërim dhe leje paraprake, si dhe të bisedojë me personat e vendosur në këto organe, organizata ose institucione, pa praninë e personave zyrtarë.

Personat e privuar nga liria kanë të drejtë që parashtresën t'ia dorëzojnë Avokatit të Popullit dhe të marrin përgjigje në zarf të mbyllur, pa e kontrolluar personi zyrtar i organit, organizatës apo institucionit në të cilin janë të vendosur dhe të marrin përgjigje në zarf të mbyllur pa kontroll të personave zyrtarë.

Neni 32

Kur Avokati i Popullit do të konstatojë se janë cenuar liritë dhe të drejtat kushtetuese dhe ligjore të parashtruesit të parashtresës, nga organet e nenit 2 të këtij ligji, ose nëse janë bërë parregullsi të tjera, mundet:

- të jep rekomandime, propozime dhe mendime për mënyrën e evitimit të shkeljeve të konstatuara;
- të propozojë që sërish të zbatohet procedura e caktuar në pajtim me ligjin;
- të ngre procedurë disiplinore kundër personit zyrtar, përkatësisht përgjegjësit dhe të paraqesë iniciativë për ngritjen e procedurës disiplinore kundër personit zyrtar ose personit përgjegjës; dhe
- t'i paraqesë kërkesë prokurorit publik kompetent për ngritjen e procedurës për konstatimin e përgjegjësisë ndëshkuese.

Neni 33

Kur Avokati i Popullit do të konstatojë se janë cenuar liritë dhe të drejtat kushtetuese të parashtruesit të parashtresës, nga organet e administratës shtetërore dhe nga organet dhe organizatat e tjera që kanë autorizime publike, ose se është cenuar parimi i mosdiskriminimit dhe përfaqësimit të drejtë dhe adekuat i pjesëtarëve të bashkësisë në organet e pushtetit, organet e njësive të vetadministrimit lokal dhe institucionet e shërbimit publike ose nëse janë bërë parregullsi të tjera dhe nëse vlerëson se përmbarimi i aktit

administrativ do të prodhojë dëm të pakompensueshëm për të drejtën e personit të interesuar, do të kërkojë:

- shtyrje të përkohshme të përmbartimit të aktit administrativ deri në vendimin e shkallës së dytë, dhe
- shtyrje të përkohshme të përmbartimit të aktit administrativ deri në marrjen e vendimit nga gjykata kompetente.

Organet nga neni 2 të këtij Ligji janë të obliguar që menjëherë, e më së voni në afat prej tre ditësh, nga dita e pranimit të kërkesës së Avokatit i Popullit, ta miratojnë dhe t'ia dërgojnë Avokatit të Popullit vendimin me të cilin përmbartimi i aktit juridik është shtyrë përkohësisht.

Organet kompetente janë të obliguar që pas përfundimit të procedurës vendimin t'ia dërgojnë edhe Avokatit të Popullit.

Neni 34

Organet, nga neni 2 të këtij Ligji, janë të obliguara ta njoftojnë Avokatin e Popullit me masat e ndërmarra për zbatimin e kërkesave, propozimeve, mendimeve apo rekomandimeve të tij, në afatin të cilin do ta caktojë ai, e më së voni brenda 30 ditësh nga dita e pranimit të kërkesës së dërguar nga Avokati i Popullit.

Nëse organi nuk e njofton Avokatin e Popullit konform paragrafit 1 të këtij neni ose nëse konkluzionet, kërkesat, propozimet, mendimet, rekomandimet ose sugjerimet e tij i pranon vetëm pjesërisht, Avokati i Popullit me raport të veçantë e informon organin më të lartë të drejtpërdrejt, funksionarin që udhëheq me organin nga neni 2 të këtij Ligji ose Qeverinë e Republikës së Maqedonisë, dhe nëse këta nuk i ndërmarrin masat e nevojshme, atëherë e informon Kuvendin e Republikës së Maqedonisë.

Avokati i Popullit mundet, në rastet kur konstatohet cenimi i të drejtave kushtetuese dhe ligjore, me shpenzimet e organit, nga paragrafi 2 i këtij Ligji, të cilit i përket lënda rastin ta publikojë në mjetet e informimit.

Neni 35

Nëse organet nga neni 2 të këtij Ligji veprojnë brenda afatit të përcaktuar sipas kërkesave, rekomandimeve, mendimeve, propozimeve dhe sugjerime të nenit 34 të këtij Ligji, Avokati i Popullit do të konstatojë se procedura ka përfunduar dhe për këtë do ta njoftojë menjëherë parashtruesin e parashtrësës.

IV. TRANSPARENCA NË PUNË

Neni 36

Për nivelin e sigurimit të respektimit, avancimit dhe mbrojtjes së të drejtave kushtetuese dhe ligjore të qytetarëve dhe për respektimin e parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive nga ana e organeve nga

neni 2 të këtij Ligji, Avokati i Popullit e informon Kuvendin e Republikës së Maqedonisë me Raport Vjetor.

Raportin, nga paragrafi 1 të këtij neni, e shqyrton Kuvendi i Republikës së Maqedonisë në seancë të Kuvendit, ku doemos duhet të marrin pjesë anëtarët e Qeverisë së Republikës të Maqedonisë, përkatësisht përfaqësuesit e saj.

Raporti i Avokatit të Popullit detyrimisht publikohet në mjetet e informimit publik.

Neni 37

Avokati i Popullit, për punët nga kompetenca e tij, mund t`u dërgojë raport të veçantë organeve të njësive të vetadministrimit lokal në rajonin e të cilave është organizuar zyra si njësi organizative e Avokatit të Popullit.

Raportet e veçanta, nga paragrafi 1 të këtij neni, komunikatat dhe veprimet e tjera të ndërmarra, Avokati i Popullit mund t'i publikojë në mjetet e informimit publik.

V. POZITA JURIDIKE E AVOKATIT TË POPULLIT

Neni 38

Avokati i Popullit dhe zëvendësit e Avokatit të Popullit nuk mund të merren në përgjegjësi për mendimin e dhënë dhe veprimet, masat dhe aktivitetet e ndërmarra gjatë kryerjes së funksionit.

Neni 39

Avokati i Popullit, zëvendësit e Avokatit të Popullit dhe të punësuarit në Shërbimin profesional kanë legjitimacione zyrtar.

Formën, përmbajtjen, procedurën dhe mënyrën e lëshimit, shfrytëzimit dhe heqjes së legjitimacionit zyrtar, me akt të përgjithshëm e rregullon Avokati i Popullit.

Neni 40

Avokati i Popullit dhe zëvendësit e Avokatit të Popullit të cilët deri në zgjedhjen e tyre kanë qenë në marrëdhënie pune, kanë të drejtë që në afat prej 30 ditësh nga ndërprerja e mandatit të kthehen në vendin punës që i përgjigjet nivelit të përgatitjes profesionale të tyre.

Neni 41

Avokati i Popullit, zëvendësit e Avokatit të Popullit dhe të punësuarit në Shërbimin profesional të Avokatit të Popullit kanë të drejtë dhe obligim për aftësim dhe përsosje të përhershme profesionale.

Për nevojat e aftësimit dhe përsosjes profesionale sigurohen mjete të posaçme nga pjesa e buxhetit, të destinuar për Avokatin e Popullit.

Neni 42

Si të drejta të posaçme të Avokatit të Popullit dhe zëvendësve të Avokatit të Popullit, gjatë kryerjes së funksionit, konsiderohen:

- e drejta të hyjnë dhe të kenë qasje të lirë në stacione, aeroporte dhe porte, vetëm duke e treguar legjitimacionin zyrtar;
- e drejta për shfrytëzimin pa pagesë të komunikacionit publik, tokësor ose të liqeneve në territorin e Republikës së Maqedonisë; dhe
- e drejta për mbrojtje të veçantë të personalitetit të tij, të familjes dhe pronës, me kërkesë të tij drejtuar policisë në vendin e banimit, çdoherë kur për këtë ekzistojnë arsye serioze për sigurinë e tij.

VI. SHËRBIMI PROFESIONAL

Neni 43

Aktet e përgjithshme, për organizimin e punës dhe sistematizimin e vendeve të punës me të cilat përcaktohet lloji dhe numri i nëpunësve shtetërorë dhe punëtorëve dhe detyrat e tyre të punës, i miraton Avokati i Popullit.

Neni 44

Për kryerjen e detyrave nga kompetenca e Avokatit të Popullit organizohen zyrat si njësi rajonale organizative të Avokatit të Popullit, si vijojnë:

1. Zyra e Avokatit të Popullit në Tetovë;
2. Zyra e Avokatit të Popullit në Kërçovë;
3. Zyra e Avokatit të Popullit në Shtip;
4. Zyra e Avokatit të Popullit në Strumicë;
5. Zyra e Avokatit të Popullit në Kumanovë; dhe
6. Zyra e Avokatit të Popullit në Manastir.

Me zyrat e Avokatit të Popullit udhëheqin zëvendës Avokatët e Popullit.

Avokati i Popullit, me akt të përgjithshëm, e rregullon për së afërmi mënyrën e punës dhe numrin e të punësuarve në zyrat e Avokatit të Popullit, të cilët i kryejnë punët nga kompetenca e Avokatit të Popullit.

Neni 45

Për shkak të mbrojtjes më efikase dhe më të suksesshme të të drejtave kushtetuese dhe ligjore të qytetarëve në fusha të caktuara, Avokati i Popullit mund të organizojë dhe të formojë seksione.

Avokati i Popullit, me akt të përgjithshëm, e rregullon për së afërmi mënyrën e punës dhe numrin e të punësuarve nëpër seksione, të cilët do t'i kryejnë punët nga fushat që janë në kompetencë të Avokatit të Popullit.

Neni 46

Avokati i Popullit, nga radhët e nëpunësve udhëheqës shtetërorë, emëron Sekretarin e Përgjithshëm.

Mandati i Sekretarit të Përgjithshëm të Avokatit të Popullit zgjat aq sa zgjat mandati i Avokatit të Popullit.

Sekretari i Përgjithshëm i Avokatit të Popullit udhëheq me Shërbimin profesional.

Neni 47

Avokati i Popullit për punën e tij miraton Rregulloren për punën e Avokatit të Popullit.

Me Rregulloren e punës së Avokatit të Popullit rregullohet për së afërmi mënyra e punës dhe procedura para Avokatit të Popullit.

Rregullorja për punë e Avokatit të Popullit shpallet në "Gazetën Zyrtare të Republikës së Maqedonisë".

VII. MJETET E PUNËS

Neni 48

Avokati i Popullit për kryerjen e funksionit të tij, në shërbimin e tij ka resurse përkatëse, mjete dhe personel.

Mjetet për punë të Avokatit të Popullit sigurohen nga Buxheti i Republikës së Maqedonisë.

Kuvendi, e voton veçmas pjesën e destinuar për Avokatin e Popullit në Buxhetin e Republikës së Maqedonisë.

Neni 49

Rrogat dhe kompensimet tjera të Avokatit të Popullit dhe zëvendësve të Avokatit të Popullit përcaktohen me ligj.

VIII. DISPOZITAT KALIMTARE DHE PËRFUNDIMTARE

Neni 50

Rregullorja për punën e Avokatit të Popullit dhe aktet për organizimin e punës dhe sistematizimin e vendeve të punës do të harmonizohen me dispozitat e këtij Ligji në afat prej 6 muajsh nga dita e hyrjes në fuqi të Ligjit.

Akti për mënyrën e realizimit të të drejtave të posaçme të Avokatit të Popullit, të zëvendësve të Avokatit të Popullit dhe personave të autorizuar nga Avokati i Popullit nga neni 42 i këtij Ligji dhe akti për mënyrën e punës dhe numrin e të punësuarve në njësitë

organizative të Avokatit të Popullit nga neni 44 paragrafi 3 të këtij ligji, do të nxirren në afat prej 6 muajsh nga dita e hyrjes në fuqi të këtij Ligji.

Vendimin për numrin e zëvendësve të Avokatit të Popullit nga neni 5, paragrafi 2 të këtij Ligji e merr Kuvendi i Republikës së Maqedonisë në afat prej 30 ditësh nga dita e hyrjes në fuqi të këtij Ligji.

Neni 51

Njësitë organizative do të fillojnë me punë më së voni në afat prej 6 muajsh nga dita e hyrjes në fuqi të këtij Ligji.

Neni 52

Me hyrjen në fuqi të këtij ligji pushon të vlejë Ligji për Avokatin e Popullit ("Gazeta zyrtare e Republikës së Maqedonisë" numër 7/97).

Neni 53

Ky ligj hyn në fuqi ditën e tetë nga dita e shpalljes në "Gazetën Zyrtare të Republikës së Maqedonisë".

DISPOZITA TË LIGJIT PËR NDRYSHIMIN DHE PLOTËSIMIN E LIGJIT PËR AVOKATIN E POPULLIT

(“Gazeta Zyrtare e RM”-së nr. 114/2009)

Neni 1

Në Ligjin për Avokatin e Popullit (“Gazeta zyrtare e Republikës së Maqedonisë“, numër 60/2003), pas nenit 11 shtohet nen i ri 11-a si vijon:

Neni 11-a

Avokati i Popullit siguron mbrojtje të veçantë për të drejtat e fëmijëve, personat me nevoja të veçanta dhe personat që janë objekt të torturës dhe llojeve tjetra të trajtimit brutal, jonjerëzor, nënçmues ose ndëshkues në organet, organizatat dhe institucionet në të cilat liria e lëvizjes është e kufizuar.

Neni 2

Në nenin 21, paragrafin 3 pas fjalës “persona” shtohen fjalët: “me nevoja të veçanta”, ndërsa pas fjalëve: “si persona të cilët janë objekt të torturës dhe llojeve tjera të trajtimit brutal, jonjerëzor, nënçmues ose ndëshkues në organet, organizatat dhe institucionet në të cilat kufizohet liria e qarkullimit”.

Neni 3

Pas nenit 31 shtohen dy nene të reja 31-a dhe 31-b, si vijojnë:

Neni 31-a

Avokati i Popullit gjatë monitorimit të gjendjes në lidhje me respektimin dhe mbrojtjen e të drejtave kushtetuese dhe ligjore të personave në organet, organizatat dhe institucionet, në të cilat liria e lëvizjes është e kufizuar, ndërmerr aktivitete në përputhje me Ligjin dhe marrëveshjet ndërkombëtare të ratifikuara në përputhje me Kushtetutën e Republikës e Maqedonisë.

Avokati i Popullit për realizimin e aktiviteteve nga paragrafi 1 të këtij neni bën vizita të rregullta dhe të paparalajmëruara në organet, organizatat dhe institucionet në të cilat liria e lëvizjes është e kufizuar për çka përgatit raport të veçantë.

Për mënyrën e realizimit të vizitave nga paragrafi 2 të këtij neni Avokati i Popullit miraton rregullore.

Neni 31- b

Personat zyrtarë të organeve, organizatave dhe institucioneve, në të cilat liria e lëvizjes është e kufizuar, janë të obliguar që Avokatit të Popullit t'i mundësojnë qasje të papenguar në të gjitha dokumentet dhe informatat që kanë të bëjnë me personat të cilëve u është kufizuar liria e lëvizjes.

Personat zyrtarë të organeve, organizatave dhe institucioneve në të cilat liria e lëvizjes është e kufizuar, janë të obliguar të veprojnë sipas rekomandimeve dhe udhëzimeve të Avokatit të Popullit dhe për veprimin ta lajmërojnë më së voni në afat prej 30 ditësh, llogaritur nga dita e pranimin të raportit të veçantë.

Neni 4

Pas nenit 34 shtohet nen i ri 34-a, si vijon:

Neni 34-a

Gjobë në shumë prej 500 deri 1.000 euro në kundërvlerë me denarë, i shqiptohet për kundërvajtje personit zyrtar në organet nga neni 2 të këtij Ligji, i cili nuk do të veprojë në përputhje me dispozitat e nenit 31-b, paragrafit 2 dhe nenit 34, paragrafit 1 të këtij Ligji”.

Neni 5

Në nenin 45, në paragrafin 1 pas fjalës “fusha” shtohen fjalët: “ose për grup të caktuar personash vulnerabil”.

Pas paragrafit 1 shtohet paragraf i ri 2, si vijon:

“Avokati i Popullit formon seksione të veçanta për mbrojtjen e të drejtave të fëmijëve dhe të personave me nevoja të veçanta, seksion për mbrojtjen e qytetarëve nga diskriminimi dhe tortura dhe llojet e tjera të trajtimit brutal, jonjerëzor, nënçmues ose ndëshkues, si dhe seksion për përfaqësimin e drejtë dhe adekuat të qytetarëve.”

Paragrafi 2 bëhet paragraf 3.

Neni 6

Neni 48 ndryshon dhe thuhet:

“Mjetet për punën e Avokatit të Popullit sigurohen në zërin e Buxhetit të Republikës së Maqedonisë, të dedikuar për Avokatin e Popullit.

Propozimin për mjetet për punën e Avokatit të Popullit, përpara dërgimit të propozimit të Buxhetit të Republikës së Maqedonisë, Avokati i Popullit e harmonizon me Qeverinë e Republikës së Maqedonisë, përmes Ministrisë së Financave.

Në votimin e Buxhetit të Republikës së Maqedonisë në seancën e Kuvendit të Republikës së Maqedonisë detyrimisht merr pjesë edhe Avokati i Popullit, i cili e arsyeton propozimin e përlogaritjes së zërit të Buxhetit të Republikës së Maqedonisë, të dedikuar për Avokatin e Popullit.

Me shfrytëzimin, shpërndarjen dhe dedikimin e mjeteve për punë, të siguruara nga zëri i Buxhetit të Republikës së Maqedonisë, Avokati i Popullit disponon në mënyrë të pavarur.

Kuvendi i Republikës së Maqedonisë voton ndaras për zërin e Buxhetit të Republikës së Maqedonisë të dedikuar për Avokatin e Popullit.”

Neni 7

Aktet nënligjore, të parapara me këtë Ligj, do të miratohen brenda afatit prej gjashtë muajsh, nga dita e hyrjes në fuqi të këtij Ligji.

Neni 8

Ky Ligj hyn në fuqi në ditën e tetë nga dita e shpalljes në “Gazetën Zyrtare të Republikës së Maqedonisë”.

Në bazë të nenit 47 të Ligjit për Avokatin e Popullit (“Gazeta Zyrtare e Republikës së Maqedonisë” nr. 60/2003 dhe 114/2009), Avokati i Popullit miratoi:

R R E G U L L O R E **e punës së Avokatit të Popullit**

(“Gazeta Zyrtare e RM”-së nr. 92/2011, 120/2011)

I. DISPOZITA TË PËRGJTHSHME

Neni 1

Me Rregulloren e punës së Avokatit të Popullit (në tekstin e mëposhtëm Rregullore) për së afërmi rregullohet mënyra e punës, procedura, si dhe çështjet e tjera të rëndësishme për punën e Avokatit të Popullit.

Neni 2

Me zbatimin e kësaj Rregullore sigurohet kryerja e ligjshme dhe me kohë e punëve nga kompetenca e Avokatit të Popullit.

Për zbatimin dhe aplikimin e drejtë të Rregullores kujdeset Avokati i Popullit, i cili jep urdhra të detyrueshëm, udhëzime dhe interpretime për zbatimin e saj.

Avokatin e Popullit, në rast të pengimit (mungesës, sëmundjes dhe ngjashëm), e zëvendëson Zëvendës Avokati i Popullit të cilin e autorizon ai.

Neni 3

Selia e Avokatit të Popullit gjendet në Shkup.

Në objektin në të cilin gjendet Avokati i Popullit vendoset mbishkrimi “Republika e Maqedonisë Avokati i Popullit”, selia, stema dhe flamuri i Republikës së Maqedonisë dhe stema e Institucionit.

Në objektin në të cilin gjendet zyra e Avokatit të Popullit theksohet emërtimi, selia, stema dhe flamuri i Republikës së Maqedonisë dhe stema e Institucionit.

Neni 4

Avokati i Popullit ka vulën e vet, vulën katrore dhe vulën e pranimit.

Vula ka formën e rrethit dhe është me diametër prej 32 mm, në të qëndron stema e Republikës së Maqedonisë, ndërsa përreth saj është shkruar emri “Republika e Maqedonisë - Avokati i Popullit – Shkup”.

Vula katrore ka formën e katërkëndëshit kënddrejtë, me dimensione 60 x 30 mm, në të cilën qëndron stema e Republikës së Maqedonisë dhe emërtimi “Republika e Maqedonisë, Avokati i Popullit”, numri, data dhe selia.

Vula e pranimit, ka formën e katërkëndëshit kënddrejtë, me dimensione 60 x 30 mm, mbi të qëndron emërtimi: “Republika e Maqedonisë - Avokati i Popullit” dhe selia.

Në mesin e grafikëve të caktuar janë shkruar fjalët: “pranuar”, “numri,“ “shtojcë“.

Vula dhe vula katrore vihen nëpër të gjitha shkresat, të cilat i miraton Avokati i Popullit.

Vula e pranimit vihet nëpër shkresat të cilat i pranon Avokati i Popullit dhe që evidentohen në protokoll dhe regjistra.

Vula dhe vulat katërkëndëshe kënddrejtë prodhohen, shfrytëzohen dhe ruhen në përputhje me ligjin e veçantë, me të cilin rregullohet forma, madhësia, mënyra e ruajtjes dhe përdorimi i tyre.

Neni 5

Në procedurën që zhvillohet pranë Avokatit të Popullit gjuhë zyrtare është gjuha maqedonase dhe alfabeti i saj cirilik.

Në procedurën pranë Avokatit të Popullit gjuhë zyrtare është edhe gjuha dhe alfabeti të cilin e flasin më së paku 20% e qytetarëve, siç është përcaktuar me ligj.

Neni 6

Me qëllim të koordinimit dhe efikasitetit të punës së Institucionin në përgjithësi, Avokati i Popullit sipas nevojës e thirr dhe e drejton kolegjiun.

Kolegjiun e përbëjnë Avokati i Popullit dhe zëvendësit e tij. Zëvendësit e zyrave rajonale të Avokatit të Popullit në punën e kolegjiun marrin pjesë përmes lidhjes video-konferencë.

Në punën e kolegjiun merr pjesë Sekretari i Përgjithshëm dhe eventualisht nëpunës të tjerë shtetërorë, të punësuar në Shërbimin profesional të Avokatit të Popullit, nëse kjo është e nevojshme.

Në kolegjiun shqyrtohen dhe përcaktohen çështjet që janë me rëndësi për punën e Avokatit të Popullit, dhe në veçanti:

- propozim aktet nënligjore dhe aktet e tjera të cilat i miraton Avokati i Popullit;
- Raporti Vjetor për Punën e Avokatit të Popullit plan;
- propozim – programi për punën e Avokatit të Popullit;
- propozim-raporti vjetor financiar për punën e Avokatit të Popullit plan;
- propozim - plani financiar dhe llogaria përfundimtare;
- çështje të caktuara më komplekse me rëndësi për punën e Avokatit të Popullit;
- përcaktimi i mënyrave për realizimin më efikas të punëve nga kompetenca e Avokatit të Popullit etj.

Për punën e kolegjiun mbahet procesverbal, ndërsa sipas nevojës i njëjti regjistrohet në format audio dhe video.

II. PLANIFIKIMI I PUNËS

Neni 7

Varësisht nga numri dhe lloji i lëndëve sipas të cilave do të punohet, si dhe në bazë të vlerësimit konkret të nevojave për procedim efikas dhe realizim të suksesshëm të punës së institucionit, Avokati i Popullit i planifikon punët në seli dhe zyrat rajonale të Avokatit të Popullit, sipas grupeve të fushave juridike dhe në seksione të veçanta, si dhe i përcakton zëvendësit dhe nëpunësit shtetëror të cilët do t'i kryejnë punët dhe detyrat përkatëse të punës.

Neni 8

Për konkretizimin e punëve dhe detyrave të punës të cilat janë në kompetencë të institucionit, në fillim të vitit, Avokati i Popullit në bazë të propozimeve paraprakisht të marra miraton Programin e punës së Avokatit të Popullit.

Në Programin e punës konkretizohen punët dhe detyrat e Institucionit për zbatimin e kompetencës së Avokatit të Popullit në përputhje me dispozitat e Kushtetutës së Republikës së Maqedonisë, Ligjin për Avokatin e Popullit dhe aktet përkatëse ndërkombëtare.

Për shkak të rritjes së konsiderueshme të numrit të lëndëve ose për shkaqe tjera të arsyeshme, Programi i përcaktuar vjetor gjatë vitit mund të ndryshohet dhe plotësohet.

Neni 9

Gjatë vendosjes se cilat masa duhet të ndërmerren, në veçanti merren parasysh:

- rëndësia, përkatësisht vlera e mbrojtjes së të drejtës e cila është shkelur ose mund të shkelet;
- mundësia e shkeljes së të drejtave kushtetuese dhe ligjore të një numri më të madh të qytetarëve;
- mënyra dhe rrethanat të cilat kanë çuar ose mund të çojnë në shkeljen e të drejtave kushtetuese dhe ligjore;
- mundësi të tjera ligjore për mbrojtjen e të drejtës së rrezikuar kushtetuese dhe ligjore.

Neni 10

Nëse gjatë procedurës për zgjidhjen e një çështjeje të caktuar sipas lëndës nevojitet njohuri e veçantë profesionale, Avokati i Popullit mund të kërkojë mendim nga institucionet shkencore dhe profesionale.

Për ndërmarrjen e veprimeve nga paragrafi 1 të këtij neni vendos Avokati i Popullit.

Neni 11

Puna e Avokatit të Popullit zhvillohet përmes zbatimit të teknologjisë informatike dhe komunikuese (TIK), e cila siguron zgjidhje aplikative për përpunimin automatik, elektronik, të unifikuar dhe preciz të udhëheqjes së lëndëve, si dhe formimin e formave elektronike të bazës së të dhënave.

II-A. Mbrojtja e të drejtave kushtetuese dhe ligjore të qytetarëve dhe të të gjithë personave tjerë

Neni 12

Punët për mbrojtjen e të drejtave kushtetuese dhe ligjore të qytetarëve, të cilat ndërmerren në selinë e Avokatit të Popullit në Shkup, ndahen në katër grupe dhe ato i përfshijnë fushat në vijim:

I. Të drejtat dhe liritë e qytetarëve (policia, prokuroria, gjyqësori, burgjet, mbrojtja etj.).

II. Të drejtat nga mbrojtja dhe siguria sociale (të drejtat sociale, sigurimi pensional dhe invalidor, sigurimi shëndetësor, arsimi, shkenca, kultura, sporti etj.).

III. Të drejtat ekonomike dhe rregullimi e humanizimi i hapësirës (marrëdhëniet pronësore-juridike, urbanizmi dhe ndërtimtaria, çështjet strehimore, financiare, doganore etj.).

IV. E drejta për punë, të drejtat ekologjike dhe të drejtat e shfrytëzuesve të shërbimeve (marrëdhëniet e punës, të drejtat e konsumatorëve, mjedisit jetësor dhe fushat e tjera).

Mbrojtja e të drejtave të fëmijëve dhe personave me nevoja të veçanta, mbrojtja e qytetarëve nga diskriminimi, respektimi i parimit të përfaqësimit të drejtë dhe adekuat të qytetarëve, si dhe mbrojtja e qytetarëve nga tortura dhe llojet e tjera të trajtimit brutal, jonjerëzor, nënçmues ose ndëshkues, kryhet në selinë e Avokatit të Popullit, ndërsa sipas nevojës, veprime të caktuara të procedurës ndërmerren edhe nga zyrat rajonale.

Neni 13

Me autorizim të Avokatit të Popullit, secili zëvendës vepron sipas fushave të përcaktuara në njërin nga grupet e cekur të nenit 12 të kësaj Rregullore.

Varësisht nga nevojat, vëllimit të punës ose rrethanave tjera, Avokati i Popullit, për veprim sipas një pjese të parashtresave nga ndonjë fushë e caktuar, mund të caktojë edhe zëvendës tjetër.

Për zbatimin e procedurës për lëndë të caktuara më komplekse, si dhe në rastet kur shkeljet e të drejtave kushtetuese dhe ligjore të qytetarëve kanë të bëjnë me fusha të ndryshme, Avokati i Popullit mund të formojë ekip të veçantë të përbërë nga zëvendës avokatët e popullit ose nga nëpunësit shtetërorë.

Zëvendësit e zyrave rajonale të Avokatit të Popullit, punët për mbrojtjen e të drejtave kushtetuese dhe ligjore të qytetarëve i ndërmarrin nga të gjitha fushat e përcaktuara në nenin 12 të kësaj Rregullore.

Për lëndët për të cilat procedohet në selinë e Avokatit të Popullit në Shkup, veprime të caktuara në procedurë, me koordinim të ndërsjellë, mund të ndërmerren edhe nga zyrat rajonale dhe anasjelltas.

Neni 14

Në rastet kur parashtresa ka të bëjë me më tepër fusha vepron zëvendësi fusha e të cilit kryesisht i përket rastit.

Nëse parashtrësia përfshin fusha të ndryshme, të cilat janë të ndërlidhura mes vete, Avokati i Popullit vendos se kush do të veprojë në atë rast.

Nëse zëvendësi i Avokatit të Popullit, për shkak të konfliktit të interesit ose për shkaqe tjera, nuk ka mundësi të veprojë sipas parashtrësës që i takon fushës së tij, Avokati i Popullit vendos se cili nga zëvendësit e tjerë do të veprojë sipas parashtrësës.

II-B. Monitorimi i gjendjeve dhe mbrojtja e të drejtave të fëmijëve dhe personave me nevoja të veçanta

Neni 15

Veprimet dhe masat për procedimin sipas parashtrësive që kanë të bëjnë me mbrojtjen e fëmijëve dhe personave me nevoja të veçanta, monitorimin e gjendjeve dhe realizimin e hulumtimeve përkatëse nga kjo fushë, në përputhje me udhëzimet e Avokatit të Popullit, ndërmerren nga zëvendësi i cili do të autorizohet nga Avokati i Popullit dhe nga të punësuarit në Njësinë organizative për mbrojtjen e të drejtave të fëmijëve dhe personave me nevoja të veçanta.

Për ndërmarrjen e masave dhe veprimeve nga paragrafi 1 të këtij neni, Avokati i Popullit mund të autorizojë edhe një nga udhëheqësit e nëpunësve shtetërorë.

Për nevojën e konstatimit të gjendjes, zbatimit, hartimit, paraqitjes dhe publikimit të hulumtimit, analizave dhe raporteve të veçanta për gjendjen e konstatuar, në lidhje me çështjet e paragrafit 1 të këtij neni, vendos Avokati i Popullit.

II-C. Monitorimi i gjendjeve dhe mbrojtja nga diskriminimi dhe përfaqësimi i drejtë dhe adekuat i pjesëtarëve të bashkësive

Neni 16

Masat dhe veprimet për mbrojtjen e parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive në organet e pushtetit shtetëror, organet e njësisive të pushtetit lokal dhe institucionet e shërbimit publike, konform udhëzimeve të Avokatit të Popullit ndërmerren nga Zëvendës Avokati i Popullit, i cili do të autorizohet nga Avokati i Popullit dhe nga të punësuarit në Njësinë organizative për mbrojtjen e qytetarëve nga diskriminimi dhe përfaqësimi i drejtë dhe adekuat i qytetarëve.

Për ndërmarrjen e masave dhe veprimeve nga paragrafi 1 të këtij neni, Avokati i Popullit mund të autorizojë edhe një nga nëpunësit udhëheqës shtetërorë.

Për nevojën e konstatimit të gjendjes, zbatimit, hartimit, paraqitjes dhe publikimit të hulumtimeve dhe analizave të veçanta për gjendjen e konstatuar, në lidhje me çështjet e paragrafit 1 të këtij neni, vendos Avokati i Popullit.

Neni 17

Gjatë monitorimit të gjendjes në lidhje me përfaqësimin e drejtë dhe adekuat të pjesëtarëve të bashkësive, Avokati i Popullit do të veprojë: sipas parashtrësive të

parashtruara; me iniciativë të tij - nëse në çfarë do mënyre vjen deri te informata se nuk respektohen këto parime; në bazë të inspektimeve të drejtpërdrejta të realizuara në organet e pushtetit qendror, organet e njësive të pushteti lokal dhe institucionet e shërbimet publike; me monitorimin e obligimeve të parashikuara programore të organeve dhe organizatave; me ndjekjen e shpalljeve për pranimin e punëtorëve të rinj në organet dhe organizatat të cilat e kanë për detyrë t'i respektojnë parimet e cekura kushtetuese etj.

Neni 18

Me qëllim të sigurimit dhe respektimit të të drejtave kushtetuese dhe ligjore dhe parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive, Avokati i Popullit, me iniciativë të tij, mund të drejtojë rekomandime, mendime dhe kritika pranë organeve para të cilëve është kompetent për të vepruar, nëse vlerëson se me akte të caktuara të përgjithshme ose individuale, me ndërmarrjen ose mosndërmarrjen e aktiviteteve të caktuara të organeve ose organizatave të cekura nuk respektohen ose nuk krijohen mekanizma ligjorë për respektimin dhe realizimin e të drejtave të qytetarëve dhe për realizimin e parimeve të cekur në lidhje me pjesëtarët e bashkësive.

II-Ç. Avokati i Popullit – Mekanizëm Parandalues Nacional

Neni 19

Aktivitetet për parandalimin e torturës dhe llojeve tjera të trajtimit brutal, jonjerëzor, nënçmues ose ndëshkues ndërmerren nga të punësuarit e Njesisë organizative për parandalimin e torturës dhe llojeve tjera të trajtimit brutal, jonjerëzor, nënçmues ose ndëshkues – Mekanizmi Parandalues Nacional.

Mekanizmi Parandalues Nacional realizon vizita të rregullta (të paralajmëruara dhe të paparalajmëruara) në të gjitha vendet ku mbahen ose mund të mbahen personat e privuar nga liria dhe në bazë të inspektimit të kryer përgatit raporte të veçanta.

Mekanizmi Parandalues Nacional harton Raport vjetor për vizitat e realizuara nëpër vendet ku personat privohen nga liria, në të cilin përfshihen vërejtjet dhe rekomandimet deri te organet relevante me qëllim të përmirësimit të veprimit dhe të kushteve të personave të privuar nga liria.

Mekanizmi Parandalues Nacional paraqet propozime dhe pikëpamje në lidhje me legjislacionin ekzistues ose projektligjet.

Për kohën dhe metodën e realizimit të aktiviteteve, nga paragrafi 2 të këtij neni, vendos Avokati i Popullit.

Neni 20

Mekanizmi Parandalues Nacional, në mënyrë që të mund t'i realizojë vizitat në vendet ku personat privohen nga liria dhe të hartojë raport të veçantë, ka qasje të papenguar në të gjitha informatat që kanë të bëjnë me numrin e personave të privuar nga liria, qasje të papenguar në informatat që kanë të bëjnë me trajtimin e këtyre personave, qasje në të gjitha vendet ku personat mbahen ose qëndrojnë, si dhe pa mbikëqyrje të zhvillojë bisedë me personat e privuar nga liria.

Mekanizmi Parandalues Nacional i ruan në konfidencë të dhënat e mbledhura dhe nuk publikon të dhëna personale pa dhënien në mënyrë të qartë të pëlqimit nga personi konkret.

Raportet e veçanta përfshijnë gjendje të konstatuara dhe rekomandime në lidhje me vizita të caktuara, ndërsa Raporti vjetor përfshin konkluzione dhe rekomandime të përmbledhura nga vizitat e realizuara dhe aktivitetet e tjera të zbatuara gjatë vitit.

Avokati i Popullit e monitoron zbatimin e rekomandimeve të dhëna përmes kontakteve të drejtpërdrejta me personat zyrtarë në vendet ku bëhet privimi nga liria, si dhe me organet e organizatat e tjera kompetente në përputhje me nenin 2 të Ligjit për Avokatin e Popullit.

Për mënyrën e hartimit, dërgimit dhe publikimit të raporteve të veçanta, vendos Avokati i Popullit.

Neni 21

Avokati i Popullit shqyrton edhe çështje tjera që janë me interes për mbrojtjen e të drejtave kushtetuese dhe ligjore, të cilat kanë bazë në burime dhe informata tjera (përmes mjeteve të informimit publik etj), ndërkaq që kanë të bëjnë me parregullsi në punën e organeve, organizatave, organet e njësisive të pushtetit lokal dhe institucionet e shërbimet publike.

III. SHËRBIMI PROFESIONAL

Neni 22

Për kryerjen e punëve profesionale dhe punëve tjera administrative-teknike, Avokati i Popullit e formon Shërbimin profesional.

Organizimi dhe mënyra e punës së Shërbimit profesional rregullohet me akt të përgjithshëm.

Neni 23

Shërbimin profesional të Avokatit të Popullit e udhëheq Sekretari i Përgjithshëm.

Neni 24

Avokati i Popullit, zëvendës Avokatët e Popullit, punonjësit e Shërbimit profesional të Avokatit të Popullit dhe të punësuarit në Shërbimin profesional të Avokatit të Popullit – Mekanizmi Parandalues Nacional kanë legjitimacione zyrtare.

Forma, përmbajtja, procedura dhe mënyra e lëshimit, shfrytëzimit dhe heqjes së legjitimacionit përcaktohen me Rregullore nga Avokati i Popullit.

IV. FORMIMI I LËNDËVE DHE PROCEDIMI ME LËNDËT E FORMUARA

Neni 25

Për punët nga kompetenca e tij dhe për ndërmarrjen e veprimeve për të cilat është i autorizuar, Avokati i Popullit formon lëndë në bazë të parashtresave dhe kërkesave tjera të pranuar.

Lëndë formohet edhe me iniciativë të tij, në bazë të informatave të fituara për shkeljen e të drejtave kushtetuese dhe ligjore të qytetarëve dhe personave tjerë ose në bazë të marrjes së informatave në çfarë do qoftë mënyre tjetër.

Avokati i Popullit gjatë procedurës, me kërkesë të parashtruesit të parashtresës, mund t'i lejojë këqyrje në lëndë dhe mund t'i jep një kopje nga përgjigjja e marrë prej organit, përkatësisht organizatës ku parashtruesi e zhvillon procedurën për realizimin e ndonjë të drejte.

Neni 26

Ecuria e procedurës dhe mënyra e punës së Avokatit të Popullit përfshin:

- pranimin dhe përpunimin e parashtresave dhe shkresave tjera të paraqitura pranë Avokatit të Popullit;
- regjistrimin e parashtresave të parashtruara dhe shkresave tjera, formimin e lëndës dhe evidentimin e saj në sistemin për përpunim automatik të të dhënave;
- shpërndarjen e lëndëve tek zëvendësit dhe këshilltarët;
- procedimin sipas lëndëve;
- përpunimin administrativ-teknik të lëndëve;
- dërgimin e shkresave; dhe
- arkivimin, ruajtjen dhe përdorimin e lëndëve.

Neni 27

Pranimi, kontrollimi dhe shpërndarja e shkresave, evidentimi, dorëzimi në punë, përpunimi administrativ-teknik, dërgimi, shqyrtimi, klasifikimi dhe vendosja e akteve të përfunduara në arkiv, bëhet në përputhje me Ligjin për procedurë të përgjithshme administrative dhe Rregullat për punë zyre dhe arkivore.

Neni 28

Parashtresat e pranuar dhe të shpërndara, me të cilat formohet lëndë e re, evidentohen në regjistra përkatës, me datën e pranimin dhe secilës i vendoset një numër.

Parashtresat e evidentuara në regjistra vendosen në dosje përkatëse, ndërsa në pjesën e sipërme të faqes së parë të dosjes shënohet emërtimi i Avokatit të Popullit, nën të në këndin e majtë njësia organizative, në këndin e djathtë shenja arkivore, afati i ruajtjes, data dhe vendi, ndërkaq në pjesën e poshtme të dosjes shënohen të dhënat e përgjithshme për lëndën.

Neni 29

Sistematizimi dhe shpërndarja e lëndëve dhe dokumenteve nga sekretaria tek Avokati i Popullit, zëvendësit dhe punonjësit e Shërbimit profesional bëhet në mënyrë elektronike dhe përmes librit për dërgesa të brendshme.

Dërgimi i kërkesave dhe akteve të tjera, përkatësisht shkresave pranë organeve, organizatave dhe institucioneve, njoftimet deri tek palët dhe personat e tjerë bëhet me librin e dërgesave ose përmes postës.

Neni 30

Lëndët zgjidhen sipas radhës së pranimit, përveç në raste urgjente ose raste tjera të justifikueshme.

Neni 31

Lëndët, materialet zyrtare, vulat, vulat katrore dhe mjetet e tjera të zyrës mbyllen me çelës.

Ambientet e punës pas përfundimit të orarit të punës mbyllen me çelës.

Nëse gjatë orarit të punës, në ambientin e punës nuk ka të punësuar, i njëjti mbyllet me çelës.

Neni 32

Procedura për mbrojtjen e të drejtave kushtetuese dhe ligjore të qytetarëve dhe personave tjerë para Avokatit të Popullit dhe mbrojtja e parimeve të mosdiskriminimit dhe përfaqësimit të drejtë dhe adekuat të pjesëtarëve të bashkësive në organet e pushteti shtetëror, organet e njësisive të pushtetit lokal dhe institucionet e shërbimit publike, hapet me parashtrimin e parashtresës.

Pranë Avokatit të Popullit parashtresë mund të paraqes çdo qytetar (personalisht ose përmes personit të autorizuar) dhe person tjetër i cili realizon të drejta të caktuara përpara organeve të administratës shtetërore dhe përpara organeve dhe organizatave tjera që kanë autorizime publike në Republikën e Maqedonisë.

Avokati i Popullit vepron edhe sipas parashtresave të parashtruara nga shoqata të qytetarëve kur bëhet fjalë për mbrojtjen e të drejtave kushtetuese dhe ligjore të qytetarëve.

Pranë Avokatit të Popullit parashtresa mund të parashtrohet me shkrim, gojarisht dhe në formë tjetër (përmes telefonit, telefaksit, postës elektronike dhe në mënyrë tjetër).

Neni 33

Gjuha dhe alfabeti në të cilën shkruhet parashtresa nuk paraqet pengesë për komunikim me Avokatin e Popullit. Me Avokatin e Popullit mund të komunikohet në cilën do goftë gjuhë dhe alfabet.

Avokati i Popullit, në procedurën sipas parashtresës, përgjigjet në gjuhën maqedonase dhe alfabetin e saj dhe në gjuhën dhe alfabetin zyrtar të cilin e përdor pala.

Neni 34

Parashtresat dhe kërkesat e tjera që pranohen në zyrën e Avokatit të Popullit evidentohet në alfabetik, sipas emrit personal dhe emërimit të parashtruesit dhe regjistrat përkatës dhe sipas tyre formohen lëndë në grupin e fushave përkatëse.

Parashtresa e parashtruar pranë Avokatit të Popullit duhet t'i përmbajë të dhënat e përcaktuara në nenin 16 të Ligjit për Avokatin e Popullit.

Nëse parashtresa nuk është e qartë dhe nuk i përmban faktet dhe provat e nevojshme, Avokati i Popullit do të kërkojë nga parashtruesi që të njëjtën ta sqarojë dhe plotësojë brenda afati, i cili nuk mund të jetë më i shkurtër se tetë e as më i gjatë se tridhjetë ditë.

Neni 35

Personat, nga neni 32, paragrafi 2 dhe 3 të kësaj Rregullore, parashtresat e tyre i parashtrojnë pranë zyrës më të afërt të Avokatit të Popullit sipas vendbanimit ose vendqëndrimit të tyre.

Nëse parashtresa parashtrohet në zyrën e Shkupit, ndërkaq vendbanimi ose vendqëndrimi i parashtruesve është në territorin e ndonjërës nga zyrat rajonale e njëjta do të ridërgohet në ndonjërën nga zyrat përkatëse rajonale, për çka informohet edhe parashtruesi.

Në rast se parashtresa ka të bëjë me akte ose veprime të organit ose organizatës, selia e të cilëve gjendet në zonën e ndonjërës nga zyrat rajonale, e njëjta mund të t'i ridërgohet zyrës përkatëse.

Neni 36

Avokati i Popullit mund të formojë parashtresë edhe me iniciativë të tij në bazë të informatave për shkelje të kryera mbi të drejtat kushtetuese dhe ligjore ose për shkeljen e parimit të mosdiskriminimit dhe përfaqësimit të drejtë dhe adekuat të pjesëtarëve të bashkësive, por në këtë rast para se të hap procedurë e ka për detyrë të kërkojë pëlqim nga personi me të cilin ka të bëjë shkelja.

Nëse brenda afatit të përcaktuar, i cili nuk mund të jetë më i shkurtër se 8 e as më i gjatë se 30 ditë, nuk merr pëlqim, Avokati i Popullit nuk do të hap procedurë.

Pa pëlqimin nga paragrafi 1 të këtij neni, Avokati i Popullit mund të hap procedurë kur bëhet fjalë për shkeljen e të drejtave kushtetuese dhe ligjore të një numri më të madh të qytetarëve, të miturve, personave të pamundur, me nevoja të veçanta dhe personave të privuar nga zotësia për të kryer veprime juridike.

Në rastet nga paragrafi 3 të këtij neni, Avokati i Popullit menjëherë, dhe më së voni brenda afatit prej 15 ditësh, e njofton personin në emër të të cilit është hapur procedura, përkatësisht, prindin, qendrën për punë sociale ose kujdestarin, përveç në rastet kur shkelja ka të bëjë me numër më të madh të qytetarëve.

Për hapjen e procedurës me iniciativë të tij vendos Avokati i Popullit.

Neni 37

Në rastet kur Avokati i Popullit do të konstatojë shkelje të të drejtave kushtetuese dhe ligjore ose shkelje të parimit të mosdiskriminimit dhe përfaqësimit të drejtë dhe adekuat të pjesëtarëve të bashkësive në organet e pushtetit shtetëror, organet e njësisive të pushtetit

lokal dhe institucionet e shërbimet publike, të një numri më të madh të qytetarëve, të miturve, personave të pamundur, personave të privuar nga zotësia për të kryer veprime juridike, do të ngre procedurë me iniciativë të tij pa marrjen paraprake të pëlqimit.

V. MBAJTJA E REGJISTRAVE DHE LIBRAVE NDIHMËS

Neni 38

Evidentimi i parashtresave dhe shkresave tjera si dhe skenimi i tyre, në zyrën e Avokatit të Popullit bëhet në mënyrë manuale në regjistra përkatës dhe në formë elektronike, ndërkaq shpërndarja e lëndëve bëhet në formë elektronike dhe me librin e dërgesave.

Me qëllim të evidentimit të dokumenteve mbahen regjistrat si vijojnë:

- Regjistri i përgjithshëm “NPR” (“APN”) (Formulari nr. 1);
- Regjistri i lëndëve “NP” (“AP”)- (Formulari nr. 2);
- Regjistri për Avokatin e Popullit-Mekanizmi Parandalues Nacional “NP-NPM” (“AP”-MPN”) - (Formulari nr. 3);
- Regjistri për kërkimin e informatave me karakter publik “NP-IJK” - (“AP-IKP”) - (Formulari nr. 4);
- Regjistra konfidencial “DOV” (KONF”) - (Formulari nr. 5).

Regjistrat “NP” (“AP”) dhe “NPR” (“APN”) mbahen si libra të veçantë edhe nëpër zyrat rajonale, me çka të njëjtët shënohen me: /TE për Tetovën, /KÇ për Kërçovën, /BT për Manastirin, /ShT për Shtipin, /ST për Strumicën dhe /Ku për Kumanovën.

Dokumentet konfidenciale/sekrete evidentohen në zyrën e Shkupit.

Formularët e regjistrave janë pjesë përbërëse e kësaj Rregullore.

Përveç regjistrave të cekur Avokati i Popullit, sipas nevojës, mund të mbajë edhe regjistra dhe evidenca tjera.

Neni 39

Në Regjistrin “NPR” (“APN”) evidentohen dokumentet të cilët nuk evidentohen në regjistrat e tjerë.

Në Regjistrin “NP” (“AP”) evidentohen parashtresat nga neni 32, paragrafët 2 dhe 3 dhe parashtresat e formuara me iniciativë personale.

Në Regjistrin “NP-NPM” (“AP-MPN”) evidentohen dokumentet për aktivitetet në lidhje me parandalimin e torturës dhe llojeve tjera të trajtimit brutal, jonjerëzor, nënçmues ose ndëshkues, në të gjitha vendet ku personat janë ose mund të privohen nga liria, si dhe dokumentet për korrespondenca tjera në Republikën e Maqedonisë dhe jashtë vendit.

Në Regjistrin “NP-IJK” (AP-IKP”) evidentohen kërkesat, veprimet e ndërmarra dhe dokumentet e tjera në përputhje me dispozitat e Ligjit për qasje të lirë deri te informata me karakter publik

Në regjistrat konfidencial/sekret evidentohen shkresat konfidenciale.

Neni 40

Me qëllim të gjetjes më të lehtë dhe më të shpejtë të lëndëve në regjistra, Avokati i Popullit mban listën emërore.

Listat emërore mbahen në libër ose sipas sistemit të kartotekës.

Neni 41

Regjistrat mbahen veç e veç sipas llojit të lëndëve.

Regjistrat mbahen në atë mënyrë që në çdo kohë prej tyre të mund të përcaktohet ku dhe në çfarë stadi të procedurës gjendet një lëndë e caktuar.

Regjistrat dhe librat ndihmës, pas përfundimit të orarit të punës, mbyllen me çelës.

Neni 42

Regjistrat përbëhen nga një numri i nevojshëm i fletëve të formularëve të përcaktuar, të lidhur në libër me kapakë të fortë. Në kapakë vihet shenja dhe viti për të cilin ka të bëjë regjistri.

Një regjistër mund të përdoret më tepër vjet, në mënyrë që pas përfundimit të vitit rrjedhës, faqja e parë e ardhshme e regjistrit lihet bosh, ndërsa në faqen vijuese vazhdohet me regjistrimet e vitit të ri.

Në të njëjtën mënyrë veprohet edhe librat e tjerë ndihmës.

Neni 43

Evidentimi i dokumenteve në regjistrat dhe librat ndihmës bëhet në mënyrë kronologjike.

Çdo lëndë e evidentuar në regjistër mbahet me numrin e njëjtë derisa të përfundojë procedura.

Neni 44

Regjistrat përmbillen në fund të vitit.

Përmbyllja bëhet në atë mënyrë që, pas numrit të fundit rendor të regjistruar, shënohet konstatimi i cili i përmban të dhënat si vijojnë: ditën, muajin dhe vitin e përmbylljes, numrin rendor të regjistrimit të fundit, numrin e regjistrimeve të anuluar, numrin e lëndëve të zgjidhura dhe numrin e lëndëve të cilat në fund të vitit kanë ngelur të pazgjidhura.

Këtë konstatim e nënshkruajnë nëpunësi i autorizuar shtetëror ose i punësuar tjetër dhe Sekretari i Përgjithshëm.

Librat ndihmës sipas rregullit nuk mbyllen.

Neni 45

Lëndët, të cilat në fund të vitit kanë ngelur të pazgjidhura, barten në vitin e ardhshëm për shkak të evidentimit, kështu që në faqen e parë të regjistrit evidentohen numrat e atyre lëndëve. Të gjitha evidentimet, të cilat kanë të bëjnë me ato lëndë, shënohen në regjistrin e mëparshëm. Nëse lënda është zgjidhur brenda vitit, në regjistrin e mëparshëm, në numrin përkatës rendor, vihet shenja për lëndë të zgjidhura, ndërsa në anën tjetër të regjistrit të ri, me laps të kuq, të shënohet/kopjohet numri përkatës rendor.

VI. ARKIVIMI I LËNDËVE

Neni 46

Arkivimi i lëndëve bëhet pasi të përfundojë procedura.

Lëndët, të cilat ruhen në arkiv, mbrohen nga lagështia dhe zjarri, si dhe sigurohen nga dëmtimi, shkatërrimi dhe vjedhja.

Neni 47

Para se të arkivohen, lëndët kontrollohen se a janë radhitur dokumentet në mënyrë kronologjike dhe a ka përfunduar përfundimisht lënda.

Lëndët e përfunduara radhiten sipas llojit të lëndëve dhe sipas numrave rendor nga shenja e dokumentit, sipas regjistrave të caktuar dhe në dosar të veçantë.

Me arkivimin e lëndëve veprohet në përputhje me rregullat për punë arkivore.

VII. STATISTIKA

Neni 48

Për punën sipas parashtrësive mbahen tabela statistikore.

Mënyrën dhe metodën e mbajtjes së statistikës e përcakton Avokati i Popullit.

Neni 49

Nëpunësit e autorizuar shtetërorë për informatikë dhe statistikë ndërmarrin masa për kryerjen me rregull të punëve të statistikës, për dërgimin me kohë të raporteve pranë Avokatit të Popullit dhe subjekteve tjera, si dhe për ruajtjen e tyre.

Një herë në muaj ose sipas nevojës përgatiten pasqyra tabelore të punës, në të cilat shihet numri dhe lloji i lëndëve sipas fushave, numri i lëndëve të zgjidhura dhe të pazgjidhura, numri i lëndëve të pranuar dhe numri i lëndëve të cilat deri në fund të periudhës raportuese kanë ngelur të papërfunduara.

Në bazë të të dhënave nga regjistrat dhe lëndët, plotësohen raportet dhe fletët statistikore, nga të cilat rezultojnë gjendjet dhe hartohen raporte periodike dhe vjetore për punën e Avokatit të Popullit.

VIII. PRANIMI I PALËVE

Neni 50

Palët, çdo ditë pune mund të vijnë në bisedë, pa paralajmërim paraprak, me ç'rast do të pranohen nga nëpunës shtetërorë udhëheqës dhe profesional të caktuar nga Sekretari i Përgjithshëm.

Palët evidentohen në librin e ditës për palë.

Avokati i Popullit dhe zëvendësit, gjithashtu, pranojnë palë.

Në librin e ditës për palë regjistrohen të dhënat si vijojnë: numri rendor i palës, data e vizitës, përkatësisht pranimit, emri dhe mbiemri i palës, adresa, numri i telefonit dhe përmbajtja e shkurtër të bisedës.

Neni 51

Avokati i Popullit, sipas nevojës, mund të organizojë pritje të palëve edhe jashtë selisë në Shkup dhe zyra rajonale.

IX. BIBLIOTEKA

Neni 52

Avokati i Popullit ka bibliotekë profesionale.

Biblioteka është e pajisur me botime, raporte, ligje dhe rregulla tjera me komentet e tyre dhe në veçanti me tekste që kanë të bëjnë me mbrojtjen e të drejtave kushtetuese dhe ligjore të qytetarëve dhe mbrojtjen e parimeve të mosdiskriminimit dhe përfaqësimit të drejtë dhe adekuat të bashkësive, literaturë tjetër profesionale, libra, revista, gazeta zyrtare, në çfarë do qoftë forme – të shkruar, elektronike dhe ngjashëm.

Sekretari i Përgjithshëm ose personi të cilin do ta caktojë ai, kujdeset për furnizimin e librave – literaturës profesionale dhe parapagimin e revistave dhe publikimeve tjera, si dhe për mirëmbajtjen e fondit të bibliotekës.

Neni 53

Me bibliotekën udhëheq bibliotekari.

Në bibliotekë mbahet libri i inventarit për librat dhe libri i inventarit për publikimet periodike, në të cilët në mënyrë kronologjike evidentohen furnizimet.

Punët e bibliotekës zhvillohen në përputhje me rregullat për veprimtari bibliotekare.

Ekzemplarët e bibliotekës profesionale (ligjet, publikimet zyrtare, literatura tjetër profesionale, përmbledhjet e mediave video, audio dhe IT), shfrytëzohen në ambientet e bibliotekës, ndërsa sipas nevojës, me lejen e Sekretarit të Përgjithshëm edhe jashtë saj.

X. TRANSPARENCA E PUNËS SË AVOKATIT TË POPULLIT

Neni 54

Me qëllim të sigurimit të informimit objektiv, me kohë dhe të saktë të publikut të gjerë për punën e tij, transparencës në punë dhe afrimit të Institucionit më pranë qytetarëve dhe personave tjerë, Avokati i Popullit, me punën e tij e informon publikun e gjerë përmes internet faqes, pres konferencave, komunikatave, buletineve, publikimeve, raporteve të veçanta, me publikimin e Raportit Vjetor dhe në mënyra tjera.

Informimin e bën personalisht Avokati i Popullit, zëdhënësi i Institucionit ose Zëvendësi i Avokatit të Popullit, përkatësisht nëpunësi shtetëror, të cilin e autorizon ai.

Gjatë informimit të publikut të gjerë, Avokati i Popullit vepron në përputhje me rregullat për mbrojtjen e privatësisë dhe konfidencialitetit të të dhënave që kanë të bëjnë me parashtruesit e parashtresave, ndërkaq mban llogari edhe për interesat e procedurës.

Neni 55

Në ueb faqen e Avokatit të Popullit publikohen të dhënat e përgjithshme për Institucionin (korniza ligjore, Avokati i Popullit, zëvendësit e Avokatit të Popullit, shërbimi profesional), struktura organizative, kompetenca dhe mënyra e punës, shërbimet për qytetarët dhe personat e tjerë, si mund të mbërrihet deri te Avokati i Popullit, mundësitë e institucionit, të dhënat për kontakte, mënyra e parashtrimit të parashtresave, puna sipas lëndëve, lista e informatave me karakter publik, pjesa informative (lajmet më të reja, aktivitetet rrjedhëse, komunikatat, raportet, analizat, buletinet dhe informata të tjera), bashkëpunimi ndërkombëtar, hiper-linqet deri tek organet dhe organizata e tjera, e kështu me radhë.

Neni 56

Avokati i Popullit për punën e tij harton Raport Vjetor, raporte të veçanta dhe analiza tjera përkatëse.

Raportin Vjetor për vitin paraprak, Avokati i Popullit ia paraqet Kuvendit të Republikës së Maqedonisë deri më datë 31 mars të vitit rrjedhës.

Raporti Vjetor i përmban të dhënat për nivelin e respektimit të të drejtave dhe lirive të njeriut në Republikën e Maqedonisë, përshkrimin e problemeve kryesore, të dhënat statistikore të parashtresave të pranuar, të përpunuara dhe parashtresave sipas së cilave akoma veprohet, përshkrimin e shkeljeve për raste individuale specifike, si dhe raport për aktivitete tjera të Avokatit të Popullit.

Neni 57

Dërgimin e raporteve të veçanta pranë organeve të njëjësive të pushtetit lokal, në rajonin e të cilëve vepron zyra si njësi organizuese rajonale e Avokatit të Popullit dhe pranë personave zyrtarë të organeve, organizatave dhe institucioneve në të cilat liria e lëvizjes është e kufizuar, Avokati i Popullit e bën sipas nevojës.

Neni 58

Avokati i Popullit – Mekanizmi Parandalues Nacional harton dhe publikon raport vjetor për gjendjet e konstatuara nga aspekti i trajtimit dhe kushteve ku vendosen personat e privuar nga liria, dhe i njëjti u shpërndahet të gjitha organeve, organizatave dhe institucioneve relevante.

Mekanizmi Parandalues Nacional ia dërgon raportin vjetor Nënkomitetit për Parandalimin e Torturës të Kombeve të Bashkuara, ndërsa sipas nevojës edhe institucioneve tjera ndërkombëtare dhe organizatave të cilat punojnë në parandalimin e torturës dhe llojeve tjera të trajtimit brutal, jonjerëzor, nënçmues ose ndëshkues.

XI. BASHKËPUNIMI I AVOKATIT TË POPULLIT ME ORGANET DHE ORGANIZATAT E TJERA

Neni 59

Avokati i Popullit bashkëpunon, realizon kontakte dhe dërgon informata, me institucionet qeveritare dhe joqeveritare dhe asociacionet të cilat punojnë në fushën e mbrojtjes dhe avancimit të të drejtave dhe lirive të njeriut, mbrojtjes së të drejtave të fëmijëve dhe mosdiskriminimit e përfaqësimit të drejtë dhe adekuat të bashkësive, si dhe atyre që punojnë në parandalimin e torturës dhe llojeve tjera të trajtimit brutal, jonjerëzor, nënçmues ose ndëshkues.

Në realizimin e funksionit të tij, me qëllim të aftësisë profesionale dhe avancimit të punës së Avokatit të Popullit, mund të organizohen seminare, këshillime profesionale, takime për të arritjen e pëlqimit dhe ngjashëm.

Neni 60

Avokati i Popullit bashkëpunon me institucionet dhe asociacionet e ngjashme jashtë vendit dhe me organizatat përkatëse ndërkombëtare.

XII. KOMISIONET DHE TRUPAT E PUNËS

Neni 61

Për kryerjen e punëve të caktuara, të cilat kërkojnë punë ekipore të të punësuarve nga njësi të ndryshme organizative në Institucionin Avokat i Popullit, si dhe në raste tjera të përcaktuara me ligj ose normë tjetër, Avokati i Popullit mund të formojë komisione dhe trupa pune të përhershme ose të përkohshme.

Me aktin e formimit, Avokati i Popullit e përcakton numrin e anëtarëve të komisioneve dhe trupave të punës, si dhe i përcakton detyrat e tyre.

XIII. DISPOZITA KALIMTARE DHE PËRFUNDIMTARE

Neni 62

Ndryshimet dhe plotësimet e kësaj Rregullore, bëhen në mënyrë dhe procedurë që vlejnë për nxjerrjen e saj.

Neni 63


Në ditën kur kjo Rregullore hyn në fuqi, pushon të vlejë Rregullorja e Avokatit të Popullit ("Gazeta Zyrtare e RM"-së nr. 11/2005).

Neni 64

Kjo Rregullore hyn në fuqi në ditën e tetë nga dita e shpalljes në “Gazetën Zyrtare të Republikës së Maqedonisë”.

AVOKAT I POPULLIT

Ixhet Memeti



* Katër zëvendës në Zyrën e Shkupit dhe nga një zëvendës në zyrat rajonale në: Manastir, Kërçovë, Kumanovë, Strumicë, Tetovë dhe Shtip

Në bazë të nenit 39 të Ligjit për Avokatin e Popullit (“Gazeta Zyrtare e RM”-së, nr. 60/2003 dhe 114/2009), Avokati i Popullit, miratoi:

RREGULLORE
për formën, përmbajtjen dhe procedurën e lëshimit,
shfrytëzimit dhe heqjes së legjitimacionit zyrtar të
Avokatit të Popullit, zëvendësve dhe të punësuarve në
Shërbimin profesional të Avokatit të Popullit

("Gazeta Zyrtare e RM"-së nr. 65/2011)

Neni 1

Me këtë Rregullore përcaktohet forma, përmbajtja dhe procedura e lëshimit, shfrytëzimit dhe heqjes së legjitimacionit zyrtar të Avokatit të Popullit, zëvendësve, të punësuarve në Shërbimin profesional të Avokatit të Popullit dhe të punësuarve në Shërbimin profesional të Avokatit të Popullit si Mekanizëm Parandalues Nacional.

Neni 2

Legjitimacioni zyrtar është me dimension 8 cm. x 11 cm dhe përbëhet nga dy pjesë: njëra pjesë është kapaku, ndërsa pjesa tjetër është karta e plastifikuar me ngjyrë gri të hapur, në anën e pasme të së cilës gjendet stema e Institucionit me të dhënat dhe autorizimet e bartësit të legjitimacionit zyrtar.

Kapaku i legjitimacionit zyrtar mbështillet me lëkurë natyrale ngjyrë kafe.

Në anën e përparme të kapakut, në pjesën e sipërme të saj, gdhendet teksti: “REPUBLIKA E MAQEDONISË, AVOKATI I POPULLIT”, në mes stampohet stema e Avokatit të Popullit, ndërsa nën të gdhendet teksti: “LEGJITIMACION ZYRTAR”.

Në pjesën e brendshme të djathtë të kapakut prej lëkure, në formë metali stampohet stema e Avokatit të Popullit me madhësi prej 4 cm.

Në anën e përparme të kartës shtypet teksti: “REPUBLIKA E MAQEDONISË, AVOKATI I POPULLIT”, për legjitimacionin e të punësuarve në Shërbimin profesional të Avokatit të Popullit si Mekanizëm Parandalues Nacional shtypet teksti: “REPUBLIKA E MAQEDONISË, AVOKATI I POPULLIT MEKANIZËM PARANDALUES NACIONAL”, ndërsa nën të teksti: “LEGJITIMACION ZYRTAR”. Në këtë tekst, nga ana e majtë, gjendet vendi për fotografi, ndërsa nga ana e djathtë numri regjistruar, data e lëshimit, nënshkrimi i Avokatit të Popullit ose personit të autorizuar dhe vendi për vulë (V.V.). Në anën e njëjtë, në pjesën e poshtme, shënohen të dhënat: emri dhe mbiemri, funksioni, përkatësisht titulli, numri amzë dhe adresa e vendbanimit të bartësit të legjitimacionit zyrtar.

Faqja e dytë e kartës së legjitimacionit zyrtar të Avokatit të Popullit dhe zëvendësve të tij, përmban ekstrakte nga dispozitat e Ligjit për Avokatin e Popullit ("Gazeta Zyrtare e RM"-së nr. 60/2003 dhe 114/2009), në lidhje me autorizimet dhe të drejtat e veçanta, me tekstin e cekur në formularin e paraqitur. Faqja e dytë e kartës së legjitimacionit zyrtar për të punësuarit në Shërbimin profesional, të cilët veprojnë sipas parashtrësve të qytetarëve dhe personave tjerë, përmban ekstrakte nga dispozitat e Ligjit për Avokatin e Popullit ("Gazeta Zyrtare e RM"-së nr. 60/2003 dhe 114/2009), në lidhje me autorizimet, me tekstin e cekur në formën e paraqitur.

Faqja e dytë e kartës së legjitimacionit zyrtar, për të punësuarit në Shërbimin profesional të Avokatit të Popullit si Mekanizëm Parandalues Nacional, përmban ekstrakte nga dispozitat e Protokollit Fakultativ të Konventës Kundër Torturës dhe Llojeve të tjera të Trajtimit Brutal, Johuman, Nënçmues ose Ndëshkues ("Gazeta Zyrtare e RM"-së nr. 165/2008) dhe nga Ligji për Avokatin e Popullit ("Gazeta Zyrtare e RM"-së nr. 60/2003 dhe 114/2009), në lidhje me autorizimet, me tekstin e cekur në formularin e paraqitur.

Për bartësit e tjerë të legjitimacionit zyrtarë, në faqen e dytë të kartës nuk ka tekst.

Neni 3

Format e legjitimacionit zyrtar shtypen në përputhje me këtë Rregullore dhe janë pjesë përbërëse të tij.

Neni 4

Avokati i Popullit ose person i autorizuar prej tij, me legjitimacion zyrtar pajiset pas zgjedhjes, përkatësisht punësimit në Shërbimin profesional të Avokatit të Popullit dhe ka vlefshmëri derisa personi, të cilit i është lëshuar, ka cilësi zyrtare të Avokatit të Popullit, Zëvendës Avokatit të Popullit, të punësuarit në Shërbimin profesional të Avokatit të Popullit dhe të punësuarit në Shërbimin profesional të Avokatit të Popullit si Mekanizëm Parandalues Nacional.

Neni 5

Personi, të cilit do t'i pushojë funksioni ose marrëdhënia e punës në Shërbimin profesional të Avokatit të Popullit, përkatësisht Shërbimin profesional të Avokatit të Popullit si Mekanizëm Parandalues Nacional, e kthen legjitimacion zyrtar.

Legjitimacioni zyrtar i cili kthehet ose zëvendësohet asgjësohet.

Neni 6

Për legjitimacionet zyrtare, të lëshuara dhe të hequra, mbahet evidencë në Institucionin Avokat i Popullit.

Evidenca për legjitimacionin e lëshuar përmban: numrin rendor, emrin dhe mbiemrin e personit të cilit i është lëshuar, numrin serik dhe rubrikën për shënime.

Neni 7

Legjitimacioni zyrtar zëvendësohet me të ri në rastet kur për shkak të dëmtimit ose vjetërimit bëhet i papërdorshëm, nëse bartësi të cilit i është lëshuar e humb atë dhe nëse poseduesi i legjitimacionit zyrtar ka ndryshime mbi të dhënat personale.

Çdo bartës i legjitimacionit zyrtar nëse e humb legjitimacionin zyrtar menjëherë, ndërsa më së voni brenda 24 orëve, e njofton Avokatin e Popullit, ndërsa në rastet kur zëvendësohet me të ri, për shkak të dëmtimit ose vjetërimit, poseduesi i legjitimacionit duhet ta kthejë atë sapo t'i lëshohet legjitimacioni i ri.

Neni 8

Legjitimacioni zyrtar i Avokatit të Popullit, zëvendësve dhe të punësuarve në Shërbimin profesional të Avokatit të Popullit, i lëshuar në përputhje me Rregulloren për formën, përmbajtjen dhe procedurën e lëshimit, shfrytëzimit dhe heqjes së legjitimacionit zyrtar të Avokatit të Popullit, ("Gazeta zyrtare e RM"-së nr. 11/2005) do të zëvendësohet më së voni brenda 60 ditësh nga dita e hyrjes në fuqi të kësaj Rregullore.

Neni 9

Në ditën e hyrjes në fuqi të kësaj Rregullore pushon të vlejë Rregullorja për formën, përmbajtjen dhe procedurën e lëshimit, shfrytëzimit dhe heqjes së legjitimacionit zyrtar të Avokatit të Popullit, zëvendësve dhe të punësuarve në Shërbimin profesional të Avokatit të Popullit ("Gazeta zyrtare e RM"-së nr. 11/2005).


Neni 10

Kjo Rregullore hyn në fuqi një ditë pas shpalljes në "Gazetën Zyrtare të Republikës së Maqedonisë".

AVOKATI I POPULLIT

Ixhet Memeti

FORMULARË – 5 (pesë)



Republika e Maqedonisë AVOKATI I POPULLIT LEGJITIMACION ZYRTAR	
	_____ NUMRI REGJISTRUES
	_____ DATA E LËSHIMIT
V.V.	_____ Avokati i Popullit Ixhet Memeti
_____ Emri dhe mbiemri	
_____ Titulli	
_____ NUAQ	
_____ Adresa	

Republika e Maqedonisë AVOKATI I POPULLIT LEGJITIMACION ZYRTAR	
	_____ NUMRI REGJISTRUES
	_____ DATA E LËSHIMIT
V.V.	_____ Avokati i Popullit Ixhet Memeti
_____ Emri dhe mbiemri	
_____ Funkzioni	
_____ NUAQ	
_____ Adresa	

Bartësi i këtij legjitimacioni me Ligjin për Avokatin e Popullit ("Gazeta Zyrtare e RM"-së nr. 60/2003 dhe 114/2009), është i autorizuar:

- të hyjë në lokalet zyrtare të organeve, nga neni 2 i Ligjit, të bëjë inspektim të drejtpërdrejt në lëndët dhe punët që janë në kompetencë të tij, si dhe t'i sigurohen të gjitha provat, të dhënat dhe informatat, pa marrë parasysh konfidencialitetin e tyre;
- në çdo kohë dhe pa paralajmërim dhe pëlqim paraprak të bëjë vizitë dhe inspektim në organet, organizatat dhe institucionet-vendet e privimit nga liria, si dhe të bisedojë me personat e vendosur pa praninë e personave zyrtarë, me qëllim të mbrojtjes së lirive dhe të drejtave të tyre;
- të thirr në bisedë person të zgjedhur apo të emëruar, person zyrtar dhe çdo person tjetër, i cili mund të jep të dhëna të caktuara rreth procedurës;
- të hyjë dhe të ketë qasje të lirë nëpër stacione, aeroporte dhe porte vetëm duke treguar legjitimacionin;
- të shfrytëzojë falas komunikacionin publik, tokësor, ujan brenda territorit të Republikës së Maqedonisë;
- në mbrojtje të veçantë të personalitetit, familjes dhe pronës së tij, sipas kërkesës së paraqitur pranë policisë, mund të kërkojë mbrojtje të vendbanimit, çdo herë kur ekzistojnë shkaqe serioze për sigurinë e tij.

Avokati i Popullit dhe zëvendësit e Avokatit të Popullit nuk mund të thirren në përgjegjësi për mendimin e dhënë dhe veprimet e ndërmarra, masat dhe aktivitetet gjatë ushtrimit të funksionit të tyre.

Republika e Maqedonisë
AVOKATI I POPULLIT
MEKANIZMI PARANDALUES NACIONAL
LEGJITIMACION ZYRTAR



NUMRI REGJISTRUES

DATA E LËSHIMIT

V.V.

Avokati i Popullit
Ixhet Memeti

Emri dhe mbiemri

Funksioni/Titulli

NUAQ

Adresa

Bartësi i këtij legjitimacioni me Kushtetutë, Protokollin Fakultativ të Konventës Kundër Torturës dhe Llojeve tjera të Trajtimit Brutal, Johuman, Nënçmues ose Ndëshkues dhe Ligjin për Avokatin e Popullit për shkak të kryerjes së parandalimit të është i autorizuar:

- në çdo kohë dhe pa paralajmërim dhe pëlqim paraprak të realizojë vizita dhe inspektime të rregullta dhe të paparalajmëruara në organet, organizatat dhe institucionet-vendet e privimit nga liria, si dhe në çdo vend tjetër për të cilin mund të ketë informata se personat janë ose mund të privohen nga liria;
- t'i mundësohet liria e zgjedhjes së vendeve të cilat dëshiron t'i vizitojë, si dhe qasje e papenguar në të gjitha lokalet, pajisjet dhe instalimet dhe në të gjitha dokumentet e informatat të cilat kanë të bëjnë me personat e privuar nga liria;
- t'i mundësohet zgjedhje e lirë dhe biseda me personat e privuar nga liria, pa praninë e personave zyrtarë, personalisht ose me përkthyes, nëse është e domosdoshme, si dhe me cilin do qoftë person tjetër për të cilin Avokati i Popullit vlerëson se mund të sigurojë informata të rëndësishme.

Republika e Maqedonisë
AVOKATI I POPULLIT
LEGJITIMACION ZYRTAR



NUMRI REGJISTRUES

DATA E LËSHIMIT

V.V.

Avokati i Popullit
Ixhet Memeti

Emri dhe mbiemri

Titulli

NUAQ

Adresa

Bartësi i këtij legjitimacioni me Ligjin për Avokatin e Popullit ("Gazeta Zyrtare e RM"-së nr. 60/2003 dhe 114/2009), është i autorizuar:

- të hyjë në lokalet zyrtare të organeve, nga neni 2 i Ligjit, dhe të bëjë inspektim të drejtpërdrejt mbi lëndët dhe punët që janë në kompetencë të tyre, si dhe t'i sigurohen të gjitha provat, të dhënat dhe informatat, pa marrë parasysh konfidencialitetin e tyre;
- në çdo kohë dhe pa paralajmërim dhe pëlqim paraprak të bëjë vizitë dhe inspektim në organet, organizatat dhe institucionet-vendet e privimit nga liria, si dhe të bisedojë me personat e vendosur aty pa praninë e personave zyrtarë, me qëllim të mbrojtjes së lirive dhe të drejtave të tyre;
- të thirr në bisedë person të zgjedhur apo të emëruar, person zyrtar dhe çdo person tjetër, i cili mund të jep të dhëna të caktuara rreth procedurës.